

18

HARVARD COLLEGE LIBRARY  
FROM THE  
HARVARD-YENCHING  
INSTITUTE  
1930

18

HARVARD COLLEGE LIBRARY  
FROM THE  
HARVARD-YENCHING  
INSTITUTE  
FEB 7 1930

---

6.05 /  
T Ch L 5235.4462 b



文苑英華卷第一百六十一

詩十一

地部三

山雜題二十首

洞六首

峽十首  
石七首

孤石五首  
太湖石四首

雜題七首

山雜題

露際中峰

一作中峯居  
喜見苗發

祖詠

一作李端

自得中峰住深林亦閉關經秋無客到入夜有僧還暗澗

泉聲小荒園

一作岡

樹影閑高窓下

一作南

可望星月滿空



山



此詩二百一十八卷重出今已削去遇有異同註

一作

風涼源上作

王昌齡

陰岑宿雲歸煙霧集作霧露濕松栢風淒日初曉下嶺望川澤

遠山無遺明集作晦秋水千里白佳氣盤未央聖人在凝碧

關門阻天下信是帝王宅海內方晏然廟堂有奇策時貞

守金運罷去遊說客余忝蘭臺人幽尋免貽責

此詩三百十八卷重出今已削去

秋山夕興

陶翰

山月松蔭下月明山色鮮聊為高秋酌復此清夜絃  
方獲志栖心亦彌年尚言興未逸更理逍遙篇

登趨頭山題儼公石壁

包融

晨登趨頭山山曛黃雲霧起却瞻迷向背直下失城市輒且  
衝東廓朝光生邑里掃除諸煙氛照出衆樓雉青為洞庭  
山白是太湖水蒼茫遠郊樹倏忽不相似萬象以區別森  
然共盈機坐令開心會漸覺落塵滓此巖千餘仞結廬誰  
家子願陪中峯遊朝暮白雲裏

季夏入北山

林璠

整駕俟明發逶迤歷險途天形逼峯盡地勢入谿無樹  
圓潭密雲橫疊障孤誰憐後時者六月未南圖

獨往覆金山寄卽士元

錢起

賞心無遠近芳月好登望勝事引幽人山下復山上將尋



洞中藥復愛湖外嶂古壁苔入雲陰溪樹穿浪誰言世緣  
絕更惜知音曠鶯啼綠蘿春迴首還集作惆悵

棲霞山夜坐

僧靈一

山頭戒壇路幽映雲巖側四面青石床一峯苔蘚色松風

高僧詩靜復起月影開還黑何獨乘夜來殊非書高僧詩  
作風松

所得

春晚山行詩選無春

殷遙見王安石磨

寂歷青山晚山行趣不稀野花垂子落江鷺引鷓飛暗草

薰苔渚一作晴楊拂石磯俗人語話一作此我一作亦轉

志歸

買山吟

于鵠

行幽山屬漢陽槿籬疎處種桃柳唯有獼猴來往

人拋果滿書堂

春山夜月

于良史

春山多勝事賞翫夜忘歸掬水在手弄花香蒲衣興來

無遠近欲去惜芳菲南望鳴鐘處樓臺深翠微

奉賀裴相公假山

韓愈

公乎真愛山看山旦連夕猶山在眼不得着脚力往語

山中人巧語我澗側石有來應公須歸必載金帛當軒

乍駢羅隨勢忽開折有洞若神刻有巖類天劃終朝巖洞

間歌吹集作宴賓戚孰謂衡霍竒近在王侯宅傳氏築已

卑礚溪釣何激道達功德下不與事相撫樂我感明朝集作



時於焉傲今昔

此詩二百四十五卷重出今已削去

早春題少室東巖

白居易

三十六峯晴雪銷嵐翠生月留三夜宿春引四山行遠草初含色寒禽未變聲東巖最高石唯有我題名

尋山

于武陵

奉賀盧大夫新立假正山

許憲史

巖谷留心賞為山極自然孤峯空送笋攢  
朱樓下雲形繡戶前砌塵凝積  
靄簷溜掛  
松樹暗壺中

天何如謝康樂海嶠獨題篇

與郭二十四同看朱審山水時郭二十四將遊

山集作送郭秀才遊天台并序余嘗與郭秀才同遊是山題詩

贈別焉

許渾

雲埋陰壑雪凝峯平碧集作半壁天台已萬重人渡碧溪疑輟

棹僧歸蒼嶺似聞鍾煖眠鷗鷺晴天集作離草高掛獼猴暮

澗松曾約共遊今獨去香爐山下集作赤城西面水溶溶

經西塢偶題

溫庭筠見集本

搖搖弱柳黃鸝啼芳草無情人自迷日影明滅金色鯉杏

花嚏一作喋青頭鷄微紅柰帶惹蜂粉潔白芹牙入一作

鷺泥借問含顰向何事昔年曾到武陵溪



長安一有月與友生語舊一作山趙嘏見王安石

宅邊秋水舊一作苔磯日日持竿去不歸揚柳風多潮

落蒹葭霜在鴈初飛重嘶死馬吟紅葉却聽疎鐘憶翠微

今夜秦城滿樓月故人相向一沾衣

山行偶作馬戴

緣巴路忽窮投宿值樵翁鳥下山含影蟬鳴露灑空石門

斜月入雲竇暗泉通寂寞生愁思心疑舊隱同

尋山李頻

一逕入雙崖初疑有幾家行窮人不見坐久日空斜石上

生靈草泉中落異花終須結茅屋何此學瓊霞

杜荀鶴

病眼凡集作春榜文場公道開朋人登第盡白髮出山

房世曾無遇唯天合是嫌長安不覺遠期遂一名廻

洞

題合溪乾洞于鵠

渡水傍山尋絕壁白雲飛處洞天開仙人來往行無迹石

徑春風長綠苔

題武陵洞四首曹唐

此生終使此身閑不是春時且要還寄語桃花與流水莫

辭相送到人間

二

溪口回舟日已昏却聽雞犬隔前村殷勤重與秦人別莫



使桃花開洞門

三

却恐重來路不通殷勤迴首謝春風白鷄黃犬不將去且  
寄桃花深洞中

四

桃花夾岸杳何之花滿春山水去遲三宿武陵溪上月始  
知人世有春時

桃源洞

李群玉

我到瞿童集作真上昇處山川西一作望使人愁紫雲白鶴  
去不返唯有桃花溪水流

峽

琵琶峽

梁簡文帝

山來歷山川此地獨迴遘百嶺相迂蔽千崖共隱天橫峯  
時礙水斷岸或通川還瞻已迷向直來復疑前夕波照孤  
月山枝斂夜煙此時愁緒密

九迷

廣溪峽

三峽有  
序不錄

楊炯

廣溪三峽首曠望兼川陸山路遠羊腸江城鎮魚腹喬枝  
百丈偃飛水千尋瀑驚浪迴高天盤渦轉深谷漢氏昔云  
季中原爭逐鹿天下有英雄襄陽有龍伏常山集軍旅未  
安輿板築池臺忽已傾邦家遽淪覆庸才若劉禪忠佐為  
心腹設險猶可存當無賈生哭

巫峽



三峽七百里唯言巫峽長重巖宵不極疊障陵蒼蒼絕壁  
橫天險莓苔爛錦章夜分明見

忠信吾所蹈泛

舟亦何傷可以涉砥柱可以浮呂梁美人今何在靈芝徒  
自芳山空夜猿嘯征客淚沾裳

西陵峽

前人

絕壁聳萬仞長波射千里盤薄荆之門滔滔南國紀楚都  
昔全盛高丘烜望祀秦兵一旦侵夷陵火潛起四維不復  
設關塞良難恃洞庭且忽焉孟門終已矣自古天地關流  
為峽中水行旅相贈言風濤無極口及余踐斯地懷寄信  
為羨江山若有靈千載深知已

瀘陽峽作

張九齡

舟行傍月岑窈窕越溪深水暗先秋冷山晴當晝陰重林  
間五色對石壁集作聳千尋此物集作生遐遠誰知造化心

峽山中

盧象

高堂幾百里雲樹接陽臺晚見江山霽宵聞風雨來雷從  
三峽起天向數峯開靈境信難見輕舟那可迴

經端溪峽中

楊衡

陰岸東流水上有微風生素羽漾翠澗碧苔敷冊英重林  
宿雨晦遠岫孤霞明飛猿相攀牽白雲亂縱橫有客泝輕  
楫閱勝匪羈程逍遙一息間糞土五侯榮寧名庶燭熱嫩  
泉聊折醒禮樂志秦尊寄言絲竹者詎識松風聲



過巫峽

李頎

擁棹何驚湍巫山直下看削成從地底  
出雲端暮雨晴歸少啼猿渴下難一聞神女去風竹掃空壇

滄浪峽

羅鄴

關向紅塵日日開入門襟袖遠塵埃晴香惹步澗花發晚  
影逼簾溪鳥迴不為市朝行路近有誰車馬看山來可憐  
嚴子持竿處雲水終年鎖綠苔

巫峽

曹松

巫山蒼翠峽通津下有仙宮楚女貞不逐絲雲歸碧落却  
為暮雨撲行人年年舊事音容在日日誰家夢想頻應是  
荆山留不住至今猶得覩芳塵

石

賦得翠石應令

梁蕭維

依峰形似鏡構嶺勢如蓮映林同綠柳臨池亂百川壁苔  
終不落卍字本難傳邁有東明上來遊皆羽仙

石

陳陰鏗

天漢支機罷仙嶺博棊餘零陵舊是鷲昆池本學魚雲移  
蓮勢出苔駁錦文疎還當穀城下別自解兵書

奉和周趙王

初學記作王

詠石

隋崔仲方

玉繩隋月落金牌映日鮮入江疑濯錦出峽似開蓮文馬  
河西瑞兵符濟北篇會逐靈槎上還歸天漢邊

賦得臨階危石

隋岑德潤



當階聳危石殊狀實難名帶山疑似獸浸波或類鯨雲象  
臨棟起蓮影入簷生楚人終不識徒自蘊連城

賦得石

隋虞茂

蜀門鬱遐阻燕碣遠參差獨標千丈峻共起百重危峯鏡

含月魄蓋頌

初學記作嶺

逼雲枝徒然抱貞介填海竟誰知

石

蘇味道

濟北甄神貺河西濯

初學記作端

錦文聲應天地雨影觸岱宗

雲鴈歸猶可候羊起自成群何當握靈髓高枕絕羸氛

同前

李嶠

宗子維城固將軍飲羽威巖花鏡重發雲葉錦中飛入朱

星初墮過湘鷺早歸儻因持補極寧復羨支機

孤石

孤石

侵霞去日近鎮水激流分對影疑雙闕孤生若斷雲遏風

靜華浪騰煙起薄曛雖然近七嶺獨立不成群

同前

陳標法師

中原一派石地理不知年根含彭澤浪頂入香爐煙崖成

二鳥翼峯作一芙蓉何時發東武今來鎮蠡川

同前

陳高麗定法師

迴石直生空平湖四望通巖根恒灑浪樹杪鎮搖風偃流

還清影侵霞更上紅獨拔群峯外孤秀白雲中

同前

劉長卿



孤石自何處對之如舊遊氛氤峴首夕青翠劍中秋迥出  
奇峰當殿前雪山靈鷲慙貞堅一片夏雲長不去莓苔古  
色空蒼然

同前

戴叔倫

迥若干仞峰孤危不盈尺早晚他山來猶帶煙雨跡貞堅  
自有分不亂和氏璧

太湖石

李蘇州遺太湖石奇狀絕倫因題二十韻奉呈

夢得樂天

牛僧儒

胚渾何時結嵌空此日成掀呼龍虎闕挾恠鬼神驚帶雨  
新水靜輕敲碎玉鳴撫義鋒刃簇縷絡鈎絲縈奇險依

澹清通身鱗甲隱透穴洞天明醜凸隆胡

刻兕鱗雷風疑欲變陰黑訝將行噤痒微寒早輪困數

片橫愁墊壓鰲足困支撐珍重姑蘇守相憐嬾慢情

為探湖裏物不怕浪中鯨利涉餘千里山河二字僅百程

池塘初展見金玉自凡輕側必莫循唼周觀意漸平似逢

三益友如對十年兄與添消煩破宿醒媿人當綺

皓視秩即公卿念此園林寶還須別識精詩仙有劉白為

汝數逢迎

奉和牛相公題姑蘇所寄太湖石見示燕寄李蘇

州

劉禹錫

震澤生奇石沈潜得地靈初辭水府出猶帶龍宮腥發自



江湖國來榮卿相庭從風夏雲勢上漢古查形拂拭魚鱗  
見鏗鏘玉韻聆煙波含宿潤苔蘚助新青嵌穴胡鵠貌鐵  
鉞蟲篆銘孱顏傲林薄飛動向雷霆煩熱近還散餘醒見  
便醒允禽不敢宿浮瑤莫能停靜稱垂松蓋鮮宜映鶴翎  
忘憂常日擊素尚與心冥眇小欺湘鷺團圓笑落星徒然  
想融結安可測年齡採取詢鄉老搜求按舊經垂釣入空  
隙隔浪動晶榮有獲人爭賀歡謔衆共聽一州驚閱寶千  
里遠揚舲覩物洛陽陌懷人吳御亭寄言垂天翼早晚起  
滄溟

奉和思黯相公以李蘇州所寄太湖石奇狀繼  
因題二十韻見示兼呈夢得白居易

錯落復崔嵬蒼然正一堆岑駟仙掌出罅折劔門開嶺  
高危矣蟠根下壯哉精神歎竹樹氣色壓亭臺隱起磷磷  
狀疑成瑟瑟胚蕪稜露鋒刃清越叩瓊瑰岌業形時動鬼  
戕勢欲摧奇應潛鬼恠靈含蓄風雷黛潤沾新雨班明點  
古苔未應棲鳥雀不肯染塵埃尖削琅玕筍窪剌馬腦壘  
海神移竭石畫障簇天台在世爲尤物於人負逸才渡江  
一箬載入洛五丁推出處雖無意昇沉亦有媒拔從水府  
底置何相庭隈對稱吟詩句看宜把酒杯終隨金礪用不  
學玉山頽跡傳心偏愛園公眼屢迴共嗟無此分虛管太  
湖來居易與夢得俱典姑蘇而不獲此石也

太湖石

前人



遠望老峯我近觀，恠嶽峯絕高八九尺，勢若千萬尋，嵌空華陽洞，重疊匡山岑，逸矣仙掌迥，呀然劍門深，形質貫今古，氣色通晴陰，未秋已瑟瑟，欲雨先沈沈，天姿信為異，特用非所任，磨刀不如礪，擣帛不如砧，何乃主人意，重之如萬金，豈伊造物者，獨能知我心。

雜題

南海亂石山作

杜審言

漲海積稽天，群山高紫岵，相傳稱亂石，圖典失其事，懸危悉可驚，大小都不類，乍將雲島極，還與星河次，上聳或如飛，下臨仍欲隊，朝暎赭岵紫，夜魄烟青翠，穹崇霧雨蓄，幽隱靈山閔，萬尋掛鶴巢，千丈垂猿臂，昔去景風涉，今來嬉

沈至觀，此得詠歌長，時想精異。

戲題盤

集作石

王維

可憐盤石臨泉水，復有垂楊拂酒盃，若道春風不解意，因何吹送落花來。

織女石

董翰卿

一片昆明石，千秋織女名，見人虛脉脉，依水更盈盈，苔作輕衣色，波為促行聲，岸雲連鬢濕，沙月對眉生，有臉蓮同笑，無心鳥不驚，還如朝鏡裏，形影兩分明。

泰山石兗州從事所寄

李德裕

雞鳴日觀望，遠與扶桑外，集作對滄海似鎔金，衆山如點黛，遙知碧峯首，獨立煙嵐內，此石依五松，蒼蒼幾千載。



海上石笋

前人

常愛仙都山奇峯千仞懸迢迢一何迥不與衆山連忽逢  
海嶠石稍慰平生憶何以慰我心亭亭孤且直

壘石

前人

潺湲桂水湍漱石多奇狀鱗次冠煙霞蟬聯疊波浪今來  
碧梧下迥出秋潭上歲晚苔蘚滋懷賢益惆悵

興平縣野中得落星石移置縣齊

韓琮

的的墮芊芊茫茫不幾年幾逢疑虎將應逐犯牛仙擇地  
依蘭畹題詩問錦錢何時成五色却上女媧天

文苑英華卷第一百六十一終

文苑英華卷第一百六十二

地部四

海十五首 江三十八首

潮八首

海

早出巡行矚望山海

王均

王生臨廣隰潘子望洪河同軫懷歸思俱興年逝歌

二子承臉淚滂沱剖符瀛海外結綬層山阿因心留惻

憫怨已息煩苛繕築循時隙興動藉民和高門惟壯麗脩

雉亦駢羅層樓已門幾

二字疑

複道亦經過昧旦清陰上風

氣入織蘿雲起垂天翼水動連山波奔濤延瀾汗積翠遠



嗟峨鄉關屢回曲還顧杳蹉跎曾微蕭蕭羽望路空如何

望海

隋煬帝

碧海雖欣矚金臺空有聞遠水翻如岸遙山到似雲斷濤  
還共合連浪或時分馴鷗舊可狎卉木足為群方知小姑  
射誰復與臨汾

季秋觀海

孟軻叙遊聖枚乘說瘡疾迭聽乃前聞臨深驗茲日浮天  
迥無岸含虛初學記作含靈固非一委輸百谷歸朝宗萬川溢汾  
空初學記作城碧霧晴連洲彩雲密欣同夫子觀深愧玄虛筆

奉和望海

隋虞茂

清蹕臨溟漲巨海望滔滔十洲雲霧遠三山波浪高長  
嵐浴日連島類奔濤神遊藐汾射睿藻冠風騷縱然雖  
海何以效消毫

望海

祖孝徵

登高臨巨壑不知千萬里雲島相接連風濤無極已時看  
遠鴻度但類聚作乍見驚鷗起不假送將歸自然傷客子

海

李嶠

習坎䟽丹壑朝宗合紫微三山巨鰲湧萬里大鵬飛樓寫  
春雲色珠含明月輝會同添霧露方逐衆川歸

海

宋之問

肅事祠春溟宵齋洗蒙慮鷄鳴見日出鷺下觀濤霧地潤  
八荒近天廻百川澍筵端接空曲日外唯霧霧暖氣物象



來周遊晦明迓致醒匪玄享禋祿期靈煦的的波濟禽泫  
泫島間樹安期今何在方杖茂尋路仙事與世隔旁搜徒  
已屢四明北郡山遺老莫辦處中撫良自慨弱齡忝恩遇  
三人文史林兩岸神仙署雖歎出關遠始知臨海趣賞來  
空自多理勝孰能喻留楫竟何待徙倚忽云暮

歲暮海上作

孟浩然

仲尼既已歿予亦浮于海又見斗柄迴始知新歲改履舟  
任所適垂釣非有待爲問乘槎人滄浪復誰在

和賀蘭判官望北海作

高適

聖代務平典輶軒推上才迢停溟海際曠望滄波開四柱  
未皇息三山安在哉巨鼇不可釣高浪何崔嵬湛湛朝  
谷茫茫連九陔挹流納廣大觀其增遲迴日出見魚目  
圓知蚌胎跡非想像到心以精靈情遠色帶孤蕪虛聲溼  
般雷風行越裳貢水竭天吳災攬轡隼將擊忘機鷗復來  
緣情韻騷雅獨立遺塵埃吏道竟吾用翰林仍忝陪長鳴  
謝知己所規非龍媒

西陵日觀海

漸河

一作浙江

漫漫近海勢彌廣在音胚渾凝融爲百川長

地形失端倪天<sub>一作</sub>若混養東南際萬重

一作里

極目自

一作遠

無象山影空<sub>一作</sub>溟湖波或來往孤帆忽不見掉歌猶響濠  
日暮長風起空浪蕩浦口雲未收潭中月初上林蕪  
幾遭迴亭<sub>一作</sub>倚巖晏訪蓬瀛直遊非此漿



海

宋務光

曠哉朝夕地大哉乾坤力浩浩去無際云云深不測崩騰  
歛衆流決濟環中國森介錯殊品氛霞饒翠色天波混莫  
分島樹遙躋識度主探靈怪秦皇恣遊陟搜竒大壑東竦  
望成山北方術徒相誤蓬萊安可得吾君略仙道至化乎  
渾默驚浪曼窮溟飛航通絕域馬韓底厥貢龍伯脩其職  
粵我遺休明匪躬期正直敢輸鷹隼摯以問豺狼忒海路  
行已殫輜輶未皇息勞歌玄月暮旅睇滄海極魏闕眇雲  
端馳心附歸翼

越中問海客

劉慎虛

風雨滄洲春一帆今始歸自言南海 萬里速如飛初  
落何處求將無所依冥茫漸四 山色越中微誰念去  
遠人經此路稀泊舟悲且泣使我亦沾衣浮海焉用說憶  
鄉難久違縱爲魯連子山路有柴扉

望海

周繇

蒼茫空泛日四顧絕人煙半浸中華岸旁通異域船島間  
應有國波外恐無天欲作乘槎客翻愁去隔年

蒲門成觀海作

陳陶

廓落溟漲曉蒲門壽蒼蒼登樓禮東君旭日生扶桑 簾  
見蓬瀛含 金銀光草木露未晞蜃樓 藏欲遊蟠桃  
國慮涉懸懸如余市或秦朝何人在巖廊惜哉千童子葬  
骨於眇茫恭頌法客言東池接天潢即此聘牛女曰柎長



壽方靈津水法 淺余亦慕脩航

南海

曹松

傾騰界漢沃 諸蠻立望何如盡 此看無地不同方 覺遠共  
天無別始知竟 文紀南霧朝含磬 老蚌凌波夜吐丹 萬狀  
千形皆得意 長涼酒自修身難

江

渡浙江

劉孝綽

季秋弦望後 輕寒朝夕殊 商人泣紈扇 客子夢羅襦 憂方  
自難遣 况復阻川隅 日暮愁陰合 繞樹噪寒鳥 濛濛江煙  
上蒼茫 沙嶼蕪蕪解纜辭 東越接觸鷺 西徂懸帆似馳驅 飛  
棹若驚鳥 言歸遊俠窟 方從冠蓋衢

泛來康江

沈約

長枝萌紫葉 清源泛綠苔 山光浮水至 春色犯寒來 臨眼  
信未矣 望美曖悠哉 寄言幽閨夢 羅袖勿空裁

渡新安江 貽京邑遊好

沈約

眷言訪舟客 茲川信可珍 洞徹隨深淺 皎鏡無冬春 千仞  
寫高樹 百丈見遊鱗 滄浪有時濁 清濟涸無津 豈若乘斯  
去 俯映石磷磷 紛吾隔鱗津 寧可濯衣巾 願以潺湲水 霑  
君纓 上塵

濟浙江

任昉

昧旦乘輕風 江湖忽來往 或為歸波送 乍逐翻江上 近岸  
無暇日 遠峯更與想 綠樹懸宿根 丹崖頽夕壤



奉和沅江

度信

春江下白帝，畫舸向黃牛。錦纜迴沙磧，蘭橈避荻洲。濕花隨水泛，空葉逐溪流。建平船楫下，荆門戰艦浮。岸杜多群樹，山城足迥樓。日落江風靜，龍吟迥上游。

夏日臨江

隋煬帝

夏簟初學記作暹，蔭脩竹，高崖坐長楓。日落蒼江靜，雲散遠山空。鷺飛林外白，蓮開水上紅。逍遙有餘興，悵望情不終。

入柳江

薛道衡

伏節遵嚴會，揚舲沂急流。征塗非白馬，仗水勢類黃牛。眺波鳴石磧，濺沫擁沙洲。岸迫初學記作迴，槎倒轉，滌長船却浮。綠崖頻斷掠，挂壁屢移鈎。還憶青絲騎，東方來上頭。

初渡江

虞世基

歛策暫迴首，掩涕望江濱。無復東南氣，空隨西北雲。

渡漢江

李百藥

東流既泝泝，南紀信滔滔。水激沉碑岸，波駭弄珠臯。含章映淺石，浮蓋下奔濤。瀟瀾霞光近，川長晚氣高。穡鳥轉輕翼，戲鳥落風毛。客心既多緒，長歌且代勞。

王師渡漢水經襄陽

前人

導漾疏源遠，歸海會流長。延波接荆夏，通望邇沮漳。高岸沉碑影，曲池亂珠光。雲昏翠鳥沒，水廣素濤揚。閩川已多歎，遐睎幾若傷。臨溪酒駐馬，望峴欲霑裳。喬木下寒葉，亭林落曉霜。山公不可遇，誰與訪高陽。



九江口南瀉地接新秦南與潯陽岸 蘇味道

江路一悠哉  
滄海九派來  
遠澤昏似霧  
前浦沸成雷  
鱗介多潛育  
漁商幾滄洲  
風搖罟網下  
日照楚萍開  
近漱湓城曲  
斜吹蠡澤風  
歸心誰可問  
楓落潮迴  
僮整傳催歸

夜渡三松江懷古 宋之問

宿帆震澤口  
曉渡松江濱  
發魚龍氣  
舟衝鴻鴈群  
寒潮頓覺滿  
暗浦稍將分  
氣赤海生日  
光清湖起雲  
水鄉盡天  
衛歎息爲  
吳君謀士  
伏劍死  
至今悲所聞

漢江 前人

嶺外音書斷  
經冬復歷春  
近鄉情更怯  
不敢問來人

夜渡江 姚元崇

夜渚帶浮煙  
蒼茫晦遠天  
舟輕不覺動  
纜急始知牽  
聽草遙尋岸  
聞香暗識蓮  
唯看孤帆影  
常恐客心懸

春江晚景 張九齡

江林皆秀發  
雲日復相鮮  
征客那逢此  
春心益眇然  
興來  
祗自得佳處  
莫能傳薄暮  
津亭下餘花  
落客船

初入湘江 前人

征鞍窮郢路  
歸棹入湘流  
望鳥唯貪疾  
聞猿亦罷愁  
兩邊  
楓作岸數處  
橋爲洲却計  
從來意翻疑  
夢裏遊

湘江水中作 前人

湘流繞南嶽  
絕目轉青青  
懷綠未云已  
瞻途屢所經  
煙與



宜春望林猿莫夜聽末路日多緒孤舟天復冥浮波從此  
去嗟嗟勞我形

漢江臨泛

王維

楚塞三湘接荆門九派通江流天地外山色有無中郡邑  
浮前浦波瀾動遠空襄陽好風月留醉與山公

凌朝浮江旅思

常承慶

天晴上初日春水送孤舟山遠疑無樹湖平似不流岸花  
榮且落江鳥沒還浮羈望傷千里長歌遣四愁

江上逢春

張均

離愁耿未知春慮忽蹉跎擇木猿知去尋泥鷺獨過驚花  
日垂柳拂煙波激意屢怡賞無如鄉念何

和李侍御渡松滋江

孟浩然

南紀西江濶皇華御史雄截流寧假楫挂席自生風窅窅  
爭攀鵠魚龍亦避驄坐聞白雪唱翻入棹歌中

橫江詞四首

李白

橫江西望阻西秦漢水東流揚子津白浪如山那可渡狂  
風愁殺峭帆人

二

海神東過惡風迴浪打天門石壁開浙江八月何如此濤  
似蓮山噴雪來

三

人言橫江好儂道橫山惡猛風吹倒天門山集作猛風三日吹倒山



白浪高於瓦官閣

四

日集作暈天風霧不開海鯨東蹙衆川迴驚波一起三山  
動公莫渡河歸去來

江上琴興

常建

江上調玉琴一弦清一心冷冷七絃通萬木澄幽陰能使  
江月白又令江水深始知梧桐枝可以徽黃金

此詩二百二十二卷重出今已削去注異同爲一作

與鮮于庶子泛漢江

急管更須吹金盃莫遣遲酒光紅琥珀江色碧琉璃日影

浮歸棹蘆花背釣絲山公醉不醉問取葛強知

江上愁思二首

陳羽

江山翁開門開門向衰草只知愁子孫不覺生涯老

二

江上草莖枯莖枯葉復焦那堪芳意盡夜夜沒寒潮

江頭

張籍

晚涉隨江遠來帆過眼頻試尋新住客少見故鄉人回首  
憐歸翼長吟在此身應同南浦鴈更見嶺頭春

九江北岸遇風雨

白居易

黃梅縣邊黃梅雨白頭浪裏白頭翁九江濶處不見岸五  
月將盡多惡風人間穩路應無限何事拋身來此中

此詩二百九十三卷重出今已削去



漢江

杜牧

溶溶漾漾白鷗飛，綠淨春來好染衣。  
南去北來人自老，夕陽長送釣船歸。

嘉陵江

薛逢

備問嘉陵江水滂，百川東去爾西之。  
但教清淺源流在，路朝宗會有期。

江岸即事

温庭筠

水容侵古岸，峯影度青蘋。  
廟竹唯聞鳥，江帆不見人。  
雀聲花外暝，客思柳邊春。  
別恨轉難盡，年年集作行行汀草新。

江邊

趙嘏

終日勞車馬，江邊款竹扉。  
殘花春浪濶，小酒故人稀。  
戍鼓寒帆遠，津雲夕照微。  
何由兄與弟，俱及暮春歸。

江際

鄭谷

杳杳漁舟破暝煙，疎疎蘆葦舊江天。  
那堪流落逢搖落，可得潸然是偶然。  
萬頃白波迷宿鷺，一林黃葉送寒蟬。  
兵車未息年華促，早晚閑吟向澹川。

濟浙江

陳陶

適越一輕艘，凌兢截鷺濤。  
曙光金海近，晴雪玉峯高。  
靜寇思投筆，傷時欲釣鰲。  
壯心殊未展，登涉漫勞勞。

此詩二百九十五卷重出，今已削去。  
注異同為一作

桂江

曹松

未識佳人尋桂水，水雲先解傍壺觴。  
筵林次第添班竹，鷓鴣



鳥參差護錦囊南中有錦囊鳥乳洞此時連越井石樓何日到仙鄉如飛似墮皆青壁盡手不強元化強

詠潮

賦得觀潮

類聚滿作濤

任昉

雲容雜浪起楚水漫吳流漸看遙樹沒稍見碧天浮漁人迷舊浦海鳥失前洲不測滄溟曠輕鮮幸自游

上虞鄉亭觀濤津渚學潘安仁河陽縣詩

劉孝綽

昔余筮賓始衣冠仕洛陽無賞徒有任一命忝為郎再踐神仙側三入崇賢傍東朝禮髦俊庶薄厠才良遊談符名理擢管創文章引籍陪下膳橫經參上庠誰謂服事濤

未長化鷄仰季智馴雉推仲康

魯恭字也

此城隣夏穴櫛蠹茂

鸛篁孝碑黃絹語神濤白鷺翔遨遊住可望釋事上川梁

秋江凍雨絕反景照移塘織羅殊未動駭水忽如湯乍出

連山合時如高蓋張漂沙黃沫聚巖石素波揚傍人不敢

唱舟子詎能航離家復臨水眷然思故鄉中來不可絕奔

奔苦人腸泝洄若無阻謝病反清漳

乘潮至漁浦作

陶翰

艤舟乘早潮潮來如風雨樟亭忽已隱界峯莫及覩崩騰

心為失浩蕩目無主厖燼疑浪始開漾漾入漁浦雲景共

澄霽江山相吞吐偉然造化靈此事已終古流沫誠足誠



高歌調易苦顏因忠信全客念猶栩栩

樟亭觀濤

濤來勢轉雄  
獵獵架長風  
雷震雲霓裏  
山飛霜雪中  
激流吹滂上  
侵空翕闢乾坤異  
盈虛日月同  
鯨鯢從陸起  
州浦隔阡通  
跳沫噴巖翠  
翻波帶景紅  
怒湍初抵北  
却浪浚疑作復歸東  
寂聽堪增勇  
晴看自發蒙  
伍生傳或謬  
枚叟說難窮  
來信應無已  
申威亦匪窮  
衝騰如決勝  
迴合似相攻  
委質任平視  
誰能涯始終

看潮

浙江悠悠海西曲  
一日波濤兩繼覆  
錢塘郭裏看潮人  
直到白頭看不足

觀濤二首

朱慶餘

不知來遠近  
但見白峨峨  
風雨翻前駐  
魚龍逆上波  
聲長勢未盡  
晚去夕還過  
要路橫天塹  
其如造化何

潭二首

水二十七首

木落霜飛天地清  
空江百里見潮生  
鮮鱗山疑海魚龍氣  
晴雪噴山雷  
鼓聲雲日半  
陰川漸滿客帆皆  
過浪難平高樓晚望無窮意  
丹葉黃花繞郡城

河疑潮集作錢塘江潮

羅隱

怒聲洶洶勢悠悠  
羅刺江邊地欲浮  
漫道往來存大信也  
知翻覆向平流  
狂拋巨浸疑傾底  
猛過西陵似有頭  
至竟朝昏誰主掌  
好騎顛尾問陽侯



臨觀

對却望無礙意田葉黃

鄴雪貫山雷楚蕪雲日半劍川陳嶺客州省

木菴霖飛天此散空云百里長臨坐猶湖山

和文委三任平視誰能涯始終

雙木盡郊夫文數豈要湖蘇王八連其收豈少回

木成來豈或耳具白如如風雨出鱗前翅魚

麟鬣二首

宋慶齡

文苑英華卷第一百六十三

詩十三

地部五

河四首

潭八首

泉七首

河

渡黃河

范雲

河邊類聚作流迅且濁湯湯不可陵檜楫難為榜松舟纔自勝

空亭偃舊木荒疇餘故塋不覩行人跡但見狐兔興寄言

河上老此水何當澄

渡河北

王褒



秋風吹木葉，遂似洞庭波。常山臨代郡，亭障遠黃河。心懸異方樂，腸絕龐頭歌。薄暮臨征馬，失道北山河。暮臨一作暮臨

此詩二百八十九卷重出，今已削去。注異同爲一作。

渡黃河

江惲

葱山淪外域，鹽澤隱遐方。兩京分際遠，九道派流長。未學所聞見，無待驗詞章。雷連嗟太史，惆悵踐黎陽。導波榮地節，疏氣耿天潢。憫周沉用寶，嘉晉肇爲梁。

渡河北

連旌映淑浦，疊鼓沸汀洲。桃花長新浪，竹箭下奔流。塞雲臨連艦，胡風入陣樓。劍拔蛟將出，驂驚蠶欲浮。鴈書終立，勿燕相果封。侯勿恨關河遠，且寬邊地愁。

湖

治西湖

史氏導漳水，西門溉河潮。圖始未能悅，克終良可要。擁鍾勸年首，提爵勞春朝。平臯草色嫩，通林鳥聲嬌。已集故池鷺，齊蒔新田苗。何吁畚築苦，去驩魚稻饒。

汎宮亭湖

劉剛

廻艦承派水，舉帆逐分風。滉漭疑無際，飄飄似度空。檣鳥排鳥路，舡影沒河宮。孤石滄波裏，匡山苦霧中。寄謝千金子，安知萬里蓬。

渡青草湖

洞庭春溜滿，平湖錦帆張。源水桃花色，相流杜若香。穴去



茅山遠

初學記作近

江連巫峽長帶天澄迤碧映日動浮光行舟迥遠樹度鳥息危橋滔滔不可測一葉詎能航

此詩二百八十九卷重出今已削去

洞庭湖

宋之問

地盡天水合朝及洞庭湖初日當中涌莫辨東西隅晶耀因何在澄熒心欲無靈光晏海若游氣耿天樞張樂軒皇至征苗夏禹徂楚臣悲落葉堯女泣蒼梧野積九江潤山通五嶽圖風恬魚自躍雲夕鴈相呼獨此臨泛漾浩將人代殊未言洗氛濁卒歲為清娛要使功成退徒勞越大夫

別滬湖

張說

念別滬湖去浮舟更一臨千峯出浪險萬水抱煙深南郡延恩渥東山戀宿心露花香欲醉時鳥轉餘音涉

泛太湖書事寄微之

白居易

煙渚雲帆颯颯通飄然舟似入虛空玉盃淺酌巡初匝金管徐吹曲未終黃夾纈林寒有素碧琉璃水淨無風避旗飛鷺翩翩白鷺鼓躍魚拔刺紅澗雪壓多松偃蹇巖泉滴久石玲瓏書為故事番湖上吟作新詩寄浙東軍府威容從道盛江山氣色定知同報君一事君應羨五宿澄波皓月中

憶東湖

李紳

菱歌羅唱鷓舟迴雪鳥銀鷗左右來霞散浦邊雲錦截月



昇湖面鏡波開魚驚翠羽金鱗躍蓮脫紅衣紫葍推淮口  
值春偏悵望數株臨水是寒梅

和唐中丞開淘西湖暇日遊泛

朱慶餘

萍岸新淘見碧霄中流相失忽成遙空餘孤嶼來時景無  
復橫槎礙柳條紅旆路幽山翠濕錦帆風起浪花飄共知  
浸潤同雷澤何慮川源有旱苗

南湖

湖上微風小檻涼翻翻菱荇滿迴塘野舡著岸入春草水  
鳥帶波飛夕陽蘆葉有聲疑露雨浪花無際似瀟湘飄然  
蓬艇東歸客盡日相看憶楚鄉

鏡湖西島言事

幸便荒僻地縱聞猿鳥亦何愁偶因藥酒欺梅雨  
著寒衣過麥秋歲計有餘添橡實生涯一半在漁舟世人  
若便無知己應向此溪成白頭

洞庭湖

曹松

東西南北各連空波上唯留小朶峯長與岳陽翻鼓角不  
離雲夢轉魚龍吸迴日月過千頃鋪盡星河剩一重直到  
峽餘還作陸是時應有羽人逢

潭

旦發漁潭

丘遲

漁潭霧未開赤岸已颺羅歌發中流鳴鞞響杏障村童  
忽相聚野老時一望詭譎石異象斷絕空殊狀森森荒樹



齊析析寒沙漲，蒸蒸島易陟。岸傾巖難傍，信是未幽棲。豈徒暫清曠，坐嘯昔有委。計治今可尚。

秋日題南陽潭壁

獨坐秋陰生，悲來從此滴。行見汝陽潭，飛蘿蒙水石。懸飄木葉上，風吹何歷歷。幽人不耐心，煩振杖閑步。寂迴流清見，底金沙覆銀礫。錯落非一文，空山擬幾千。尺江湘魚鱗，紫鴨毛自然。碧吟詠秋水，篇泐然忘。以益秋水隨形影，清濁混心迹。歲暮歸去來，東山余宿昔。

萬山潭

孟浩然

釣坐盤石水，清心益閑魚。遊潭樹下，猿吼鳥藤間。神女言辭，珮傳聞於此山。求之不可得，沿月棹歌還。

萬丈潭

杜甫

青溪合冥冥，神物有顯晦。龍依積水蟠，窟壓萬丈內。跼步凌垠堦，側身下煙靄。前臨洪濤寬，却立蒼石大山危。一徑盡岸絕，兩壁對削成。根虛無倒影，垂澹瀨黑如灣。環底清見光，炯碎孤雲倒。來深飛鳥不在外，高蘿成帷幄。寒木疊旌旆，遠川曲通流。嵌竇潛洩瀨，造幽無人境。發興自我輩，告歸遺恨多。將老斯遊最，閉藏脩鱗蟄。出入巨石礙，何當災天過。快意風雨會。

龍潭

常應物

游石懸流雪，灣九龍潛。麴野雲閑欲行，甘雨四天下。且隱蒼潭一頃間，浪引浮槎依北岸。波分晚日見東山，垂鬚



儻遇穆王駕閬苑周遊應未還

宿潭上二首

夜潭有仙舸與月當水中嘉賓愛明月遊子驚秋風

青蒲野波白水露明月天夜中秋風起心事坐茫然

潭上作

張喬

竹島殘陽煙

疑

翠微雪猨禽過碧潭飛人間未有關身事

每到漁家不欲歸

水

登隄望水

梁孝元帝

驅馬河隄上非謂城遇遊懷山殊未已徒然勞九愁旅泊

依村樹江槎擁戍樓高岸翻成浦曲港互通舟棗野良

歎瓠河今可倚願假宣尼術泗水却橫流

太子湫落日望水

劉孝綽

川平落日迴落照蒲川泮復在淪波地派別引沮漳耿耿

流長脉熠熠動輕光寒鳥逐槎泛驚鷗拂浪翔臨流自多

羨况此還故鄉傍人夜理檝擢女聞成裝欲待春江曙爭

塗向洛陽

賦得臨水

沈君攸

開筵臨桂水攜手望桃源花落圖文出風急細流翻光潏

動岸影浪息累沙痕浪清自可悅濯纓何用論

望渭水

庾信



樹似新亭岸沙如龍尾灣猶言吟嘒浦應有落帆還

詠水三首

釋慧標

曾添踈勒井經湧二師營王津花色亮銀溪錦嶺明舟如  
空裏泛人似鏡中行持將符上善利物動高情

二

驪泉紫闕映珠浦碧沙連岸隔蓮香遠流清雲影深風潭  
如拂鏡山溜似調琴請君看皎潔知有澹然心

三

長川落日照深浦漾清風弱柳垂江翠新蓮夾岸紅舡行  
疑泛迥月映似沉空願逐琴高戲乘魚入浪中

同前

張文琮

標名資上善流派表靈長地圖羅四瀆天文載五潢方

含玉潤圓折動珠光獨有蒙園吏栖偃玩濠梁

賦得方塘含白水

李巨仁

白水溢方塘森森素波揚疊浪搖鳧影連漪寫鴈行長堤  
柳色翠夾岸荇花黃觀魚自有樂何必在濠梁

王澤嶺遭洪水

孔德紹

地籟風聲急天津雲色愁悠然百川滿俄爾萬頃浮還似  
金堤溢翻如碧海流驚濤搖起鷺迴岸不分牛徒知懷趙  
景符是倦陽候木梗誠無託蘆灰豈暇求思得乘槎便蕭

然河漢遊

日暮望涇水



導源經隴阪，屬汭貫羸都。下瀨波恒急，廻漸溜亦紆。毒流秦卒斃，泥糞漢田腴。獨有迷津客，懷歸軫暮途。

水

列名通地紀，踈派合天津。波隨灰集作月色淨，態逐桃花春。

照霞如隱石，映柳似沉鱗。終當挹上善，屬意談交人。

春水

杜甫

三月桃花浪，紅流復舊痕。朝來沒沙岸，碧色動柴門。接續垂芳餌，連筒灌小園。不知無數鳥，何意便相喧。

望水

司空曙

高原晴見水，楚色藹相和。野極空如雪，天遙不辨波。求無人跡到，獨有鳥聲過。况在蒼茫外，殘陽照更多。

分流水

古時愁別淚，滴作分流水。日夜東西流，分派幾千里。通塞兩不見，波瀾各有起。與君相背飛，去去心如此。

遠水

于武陵

悔作望南浦，望中生遠愁。因知人易感，爲見水東流。欲辭故鄉信，不逢歸客舟。萋萋兩岸草，又度一年秋。

御溝水

釋無可

鑿禁疏雲數道開，風岸柳拂青苔銀波玉沫空。池去會歷千巖萬壑來。

大水

薛逢

暴雨隨驚雷，從風忽驟來。浪逐三島至，江折二儀開。勢恐



圓雅折聲疾厚軸推冥心闕元化天眼幾時開

遠水

馬戴

蕩漾空沙際虛明入遠天秋光無不極鳥色去無邊勢引  
長雲斷波疑片雪連汀洲杳難到萬古覆蒼煙

同前

項斯

渺渺浸天色一邊生晚涼瀾含萍勢遠寒入鴈愁長北極  
連平地南流接故鄉扁舟當宿處髮鬢似瀟湘

西蜀淨衆寺題水

鄭谷

竹院松廊分數派不空清泚亦逶迤落花相逐向何處幽  
鳥獨來無限時洗鉢老僧臨岸又釣魚閑客卷綸遲晚晴  
一片連莎綠悔與滄浪舊有期

水

韓喜

方圓不定性空求東注滄溟早晚休高截碧塘長耿耿遠  
飛青嶂更悠悠瀟湘月浸千年滄疑夢澤煙含萬古愁別  
有嶺頭嗚咽處爲君分作斷腸流

潯陽觀水

朝宗漢水接陽臺哈呀填坑吼作雷莫見九江平穩去還  
從三峽嶮巖來南經夢澤寬浮日西出岷山劣泛杯直至  
滄溟涵貯盡沉深不動浸昭回

流水

羅翦

漾漾悠悠幾派分中浮短艇與鷗群天街帶雨含芳草玉  
洞飄花下白雲靜稱一竿持處見急愁孤館覺來聞隋家



柳畔偏堪恨東日長淮日又曛

歎流水

人間虛謾惜花落花落明年依舊開却最堪悲是流水便  
同人事更無廻

御溝水

王貞白

一帶御溝水綠槐相蔭清此泉濟帝澤無處濯塵纓鳥道  
來雖險龍池到自平朝宗本心切願向急流傾

水邊

羅隱

野水無情早晚廻二字集水邊花好為誰開祇知事逐眼

前過不覺老從頭上來窮似丘軻休歎息達如周邵亦虛

矣思量此理何人會蒙邑先生最有才

泉

答長安崔少府叔封遊終南翠微寺太宗金沙泉

見寄

李白

河伯見海若傲然誇秋水小物暗遠圖寧知通方士多君

紫霄意獨往蒼山裏地古寒雲深巖高長風起初登翠微

嶺後憇金沙泉踐苔朝霜滑弄波夕月圓飲彼石下流結

蘿宿溪煙鼎湖夢淥水龍駕空茫然早行子午關却登山

路遠滅琴聽霜徠拂燭乃星飯人煙無明一作異鳥道絕

往返攀崖倒青天視白日晚既遇石門隱還唱石潭歌

涉雪蹇紫芳濯纓想清波此人不可見此地君自過為余

謝風泉其如幽意何



公新泉

劉長卿

東林一泉出復與遠公期淺石春集作石流颺空山暮落

時夢閑歸集作細響慮淡對清漪動靜皆無意唯應道者

知

同前

嚴維

山下新泉出冷冷此發源落池纔有響漬石未成痕獨映

孤松色殊分衆鳥喧唯當清夜月觀此起禪關

王豐新泉

釋靈一

泉源新涌出洞徹映纖雲稍落芙蓉沼初淹苔蘚文了將

空色淨一作素將素一作泉流分每到青霄月冷冷

真聞

山下泉

皇甫曾

漾漾帶山光澄澄倒林影那知石上喧却益山中靜

泉一字至

張南史

泉色淨苔蘚石上激雲一作懸津流竹樹脉亂山川扣玉十

聲應含風百道連太液一作歸池上雲陽舊出宮邊北陵井

深鑿不到我欲添淚作一作潏

山下泉

李端

碧水映丹霞澌七露淺沙暗通山下草流出洞中花素色

和雲落寒聲遶石斜明一作更尋去應到劉郎家集作阮郎家



雲水如丹雘幾十露寒

山下泉

李端

紙鑿下匠非俗亦非

猿熟含風百度裏太

世龍張土雲烟舊出宮

泉鳴穿苔蘿石上燃

十懸事流竹樹根猶

泉十字句

飛南史

表氣帶山光益益陶林

文苑英華卷第一百六十四

詩十四

地部六

泉一十四首

瀑布十首

雜題二十五首

曲江五首

昆明池十首

温湯三首

山泉

聽夜泉

張籍

細泉深處落夜久漸聞聲獨起出門聽欲尋當澗行還疑

隔林遠復畏有風生月下堪留此無人亦到明

僧院有泉

姚合

泉眼高千丈

集作尺

山僧取得歸架空橫竹引鑿石透渠飛



洗藥溪流濁澆花雨力微朝昏長遠看護惜似持衣

方山寺松下泉

章孝標

石脉綻寒光松花噴曉霜注瓶雲母滑漱齒茯苓香野客  
偷煎茗山僧惜淨床三禪不要問孤月在中央

憶四明山泉

施肩吾

愛彼山中石泉水幽聲夜夜落空裏至今憶得卧雲時猶  
自涓涓在人耳

聽夜泉

劉得仁

靜裏層層石潺湲到鶴林迴流出幾洞源遠歷千岑寒助  
空山月清兼此夜心幽人聽遠曙難罷蘇床吟

和鄭校書夏日遊鄭泉

前人

太虛懸畏景古木蔽清陰爰有泉堪挹閑思日可尋  
鳴滴滴照踈碧沉沉幾脉成溪壑何人測淺深澄時無一  
物分處歷千林淨漑靈根藥涼浮玉翅禽飲疑蠲宿疾見  
自失煩襟僧共雲前瀨疑龍聽月下吟疊光輕吹動半底  
曉霞侵不用頻遊去令君少進心

秋晚日少陵原遊山泉之什

楊發

喧濁侵肌性未沉每來雲外恣幽尋塵衣更喜秋泉潔倦  
跡方依竹洞深暫過偶然應繫分有期終去但勞心唯憐  
一夜空山月似許他年伴獨吟

山泉

半空飛下水勢去響如雷靜撤啼猿寺高陵坐客臺耳聞



經劍閣身若到天台  
濺樹吹成凍  
隣祠觸作灰  
深中試柳  
粟淺處落莓苔  
半夜重城閉  
潺湲枕底來

經漢武泉

趙嘏

芙蓉苑裏起清秋  
漢武泉聲落御溝  
他日江山映蓬鬢  
二  
年楊柳別漁舟  
竹間駐馬題詩去  
物外何人識醉遊  
盡把  
歸心付紅葉  
晚來隨水向東流

青鳥泉

張喬

祇此沉仙翼  
瑤池似不遙  
有聲懸翠壁  
無勢下丹霄  
淨瀨  
古煙霞  
古寒原  
草木凋  
山河幾  
更變  
幽咽到唐朝

石門山泉

鄭谷

一脉清冷何所之  
藜藿澆蕪入僧池  
雲邊野客窮來處  
石  
上寒猿見落時  
聚沫遶槎殘  
雪在迸流穿樹墜  
花隨烟  
雨晚閑吟去不復遠  
尋皇子陂

題東林寺虎培泉

周繇

勝致通幽感靈泉  
有虎培瓜檜山脉  
斷掌托石心  
坳竹藹  
疑相近松陰  
蓋亦交轉  
令棲遁者真境  
愈難拋

野泉

張蠙

遠出白雲中  
長年聽不同  
一作窮  
細聲縈亂石  
一作亂石  
寒色入

長空挂壁聊成雨  
穿林別起風  
溫泉非爾類  
源發在深宮

商山夜聞泉

曹松

瀉月聲不斷  
坐來心益爾  
無人知落處  
萬木冷空山  
遠憶  
雲容外幽疑  
石鏡開  
那辭通曙曉  
明日度藍關



瀑布

湖口望廬山瀑布

張九齡

萬丈洪泉落迢迢半紫芬奔飛下雜樹灑散出重雲日照虹蜺似天清風雨聞靈山多秀色空水共氤氳

廬山望瀑布

前人

絕頂有懸泉喧喧出烟杪不知幾時時但見無昏曉閃閃青崖落鮮鮮白日皎灑流濕行雲濺沫驚飛鳥雷吼何噴薄箭馳入窈窕吾聞山下蒙今乃林巒表物性有詭激坤元曷紛矯默然置此去變化誰能了

廬山瀑布

李白

西登香爐峯南見瀑布水挂流三千丈噴壑數十里刻如

綵練來隱若白虹起初驚河漢落

一作銀河落

半灑雲天裏

觀勢轉雄壯哉造化功海風吹不斷江月照還空空中亂深射左右洗青壁飛珠散輕霞流沫沸穹石而我遊名山對之心益閑無論漱瓊液且得洗塵顏仍諧宿所好未願辭人間

廬山瀑布

前人

廬山上與斗星連日照香爐生紫烟飛流直下三千丈疑是銀河落九天

瀑布泉

冷朝陽

潺湲半空裏霖落石房邊風激珠光碎山欹連影偏急流難起浪迸沫秣如烟自古涼今日更涼一片泉



廬山瀑布

徐凝

瀑布瀑布千丈直，直落空潭奔入海。不暫息今古，長如白練飛一條。界破青山色。

瀑布

章孝標

秋河溢长空，天曉萬丈布。深雷隱雲壑，孤電掛巖樹。滄溟晚噴寒，碧落晴澗素。非趨下流急，勢使不得住。

東山瀑布

方干

遙夜看來疑月照，平明失却集作去被雲迷。掛巖遠勢穿松

島落地集作擊石殘聲注稻畦。素色噴成三伏雪，餘波流作萬

年溪。若非真宰能開決，應向前山雜淤泥。

天台瀑布

曹松

萬仞得名云瀑布，遠看如織掛天台。休疑寶尺難量度，

恐金刀易剪裁。噴向林梢成百夏，雪傾來石上作春雷。欲知

便是銀河水，墜落人間合却迴。

廬山瀑布

裴說

靜景憑高望，光分翠嶂開。嶮飛千尺雪，寒撲一聲雷。過去

雲衝斷，旁來燒隔迴。何當住峯下，終歲絕塵埃。

雜題

賦得曲澗

劉孝威

澗流急易轉，溪水暗難開。近樓俄已失，前洲忽蕩迴。石岸生寒蘚，沈根漬水苔。菱舟失道去，歸鳥迷逕來。

嚴陵瀨

任昉

嚴陵瀨，任昉詩。王康



群峯此峻極參差百里嶂清淺既連漪激石復奔壯神物  
徒有造終然莫能狀

夕逗繁昌浦

劉孝綽

日入江風靜安波似未流崖迴知舳轉解纜覺船浮暮煙  
生遠渚夕鳥赴前洲隔山聞戍鼓傍浦喧棹謳疑是辰陽  
宿於此逗孤舟

晚出新亭

陰鏗

大江一浩蕩離悲足幾重潮落猶如蓋雲昏不作峯遠戍  
惟聞鼓寒山但見松九十方稱半歸途詎有蹤

詠浮漚

已見一百五十五卷

鄭經

進船泛洛水

薛慎感

禁園紆屢覽仙棹叶時遊洛北風花樹江南彩畫舟芳生  
蕙草春入鳳凰樓興盡離宮暮烟光起夕流

泛前陂

王維

秋空自明迴况復遠人寰集作間暢集作楊以沙際鶴兼之雲  
外山澄波集作陂澹將夕清月皎方閑此夜任孤棹夷猶殊

未還

牛渚磯

李白

絕壁臨巨川連峯勢相向亂石流湫澗迴波自成浪但驚  
群木秀莫測精靈狀更聽猿夜啼憂心醉江上

尋龍湫

孫逖

仙穴尋遺迹輕舟愛水鄉溪流一曲盡山路九峯長漁父



歌金洞江妃舞翠房遙憐葛仙宅真氣共微茫

石頭瀨

崔國輔

悵矣秋風時余臨石頭瀨因高見遠境望盡此州內羽山  
一點青海岸雜花碎離離樹木少森森湖波大日暮千里  
帆南飛落天外須臾遂入夜焚色有微霽尋遠路已窮遺  
榮事多昧一身猶未理安得濟時代且疑朝泛夕潮荷衣  
蕙為帶

宿范浦

月暗朝又落西陵渡暫停村煙和海霧舟火亂江星路轉  
定山遶塘連范浦橫鷗夷迤邐去空山臨滄溟

泊楊子津

祖詠

入維揚郡鄉山此地遙林殘初霽雨風退欲歸潮江火  
明沙岸雲帆礙浦橋客衣今正薄寒夜昨來饒

橫龍渡

劉長卿

空傳古岸下曾見蛟龍去秋水晚沈沈猶疑在深處亂深  
沙上石倒影雲中樹獨繫一扁舟樵人往來渡

與鄆縣郡官泛漾陂

集作與鄆縣官泛  
漾陂岸澗水浮

岑參

萬頃浸天色千尋窮地根舟移城入樹岸澗水浮村閣鷺  
驚簫管潛蛇傍酒罇暝來呼小吏列火儼歸軒

西陵渡寄一公

皇甫冉

西陵遇潮處自古是通津終日空江上雲山若待人汀洲  
寒事早魚鳥興情新回望山陰路吾心有所親



酬皇甫冉西陵渡見寄

釋靈一

西陵潮信蒲島嶼入中流越客依風水相思南渡頭寒光  
生極浦暮雪映滄洲何事揚帆去空驚江上鷗

游元象泊

釋泚

空水潮色淨澹然湖上心舳舻輕且進河洲如何尋秋風  
泗沂險落日波濤深寂寞武侯去中流方至今

泊揚子津

盧綸

山影南徐暮千帆入古津魚驚出浦火月照渡江人清鏡  
悲雙鬢滄波寄一身空憐芳草色長接故園春

滁州西澗

韋應物

獨憐幽草澗邊生上有黃鸝深樹鳴春潮帶雨晚來急野  
渡無人舟自橫

淮上秋夜

劉方平

旅夢何時盡征途望每賒晚秋淮水上新月楚人家猿嘯  
空山近鴻飛極浦斜明朝南岸去定折桂枝花

每集作早

發壽安次承

集作末

濟渡

許渾

東西車馬塵輦洛與咸秦山月夜行客水烟朝渡人樹涼  
風浩浩沙淺石磷磷會待功名就扁舟寄此身

長洲

趙嘏

扁舟殊不繫浩蕩路纔分范蠡湖中樹吳王苑外雲悲心  
人望月獨夜鴈離群明發還驅馬關中見日曛

夜入湘中

馬戴



洞庭人夜到孤棹入湘中露洗寒山遍波搖楚月空密林  
飛暗狖廣澤發鳴鴻行抵揚帆者江分又不同

漢陂

鄭谷

昔事東流共不回春深獨向漢陂來山前別業依稀在雨  
裏梨花寂寞開却展魚絲無野艇舊題詩句沒蒼苔潛然  
回顧難消遣祇有佯狂泥酒盃

秋浦

羅隱

晴川倚落暉極目鬼依依野色寒來淺人家亂後稀久遊  
身不達多病意常違還有漁船在時時夢裏歸

曲江

曲江早秋

白居易

秋波紅蓼水夕照青蕪岸獨信馬蹄行曲江池四畔早  
晴後至殘暑暝來散方喜炎燠銷復嗟時節換我年三十  
六冉冉昏復旦人壽七十稀七十新過半且當對酒笑勿  
起臨風歎

曲江

細草岸西東酒旗搖水風樓臺在花杪鷗鷺下煙中翠幄  
晴相接芳洲夜暫空何人賞秋景與與此時同

曲江春

張喬

尋春與送春多遶曲江濱一片鳧鷖水千秋輦轂塵岸涼  
隨衆木波影逐遊人自是遊人老年年管吹新

春遊曲江

俞坦之



誤入杏花塵晴江一看春菰蒲雖似越骨肉且非秦曲岸  
藏翹鷺垂楊拂躍鱗徒憐汀草色未是醉眠人

曲江春感

羅隱

江頭日暖花又開江東行客心悠哉高陽酒徒半凋落終  
南山色空崔嵬聖代也知無棄物侯門未必用非才一船  
明月一竿竹家住五湖歸去來

昆明池

和靈法師遊昆明池二首

庾信

遊客重相懽連鑣出上蘭值泉傾蓋飲逢花住馬看平湖  
泛玉舳高堰歇金鞍平道聞荷氣中流覺水寒

秋光麗晚天鷓舸泛中川密菱障浴鳥高荷投釣舡碎

縈斷菊殘絲繞折蓮落光催十酒栖鳥送一絃

和人日晚景宴昆明池

前人

餘春足光景趙李舊經過上林棗腰細新豐酒徑多少船  
行釣鯉新盤待滴荷蘭皋徒稅駕何處有凌波

秋日遊昆明池

江惣

靈類聚沼蕭條望遊人意緒多終南雲影落渭北雨聲過  
蟬噪金堤柳鷺飲石鱗波珠來照似月纖處寫成河此時  
臨水歎非復採蓮歌

同前

薛道衡

灞陵因靜退靈池暫徘徊新船木蘭檝舊宇豫章材荷心



宜露泫竹徑重風來魚潛疑刻石沙暗似沉灰琴逢鶴欲舞酒遇菊花開羈心與秋興陶然寄一杯

賦昆明池一物得織女石 虞茂

隔河圖列宿清漢象昭回支機就鯨石拂鏡取池灰舡疑海槎渡珠似客星來所恨雙蛾歛逢秋遂不開

秋遊昆明池 元行恭

旅客傷羈遠樽酒慰登臨池鯨隱舊石岸菊聚新金陣低

雲色近行高鴈已初學記深歆荷瀉圓露臥柳橫清陰衣

共秋風冷心學古灰沉還似無人處幽蘭入雅琴

和許侍郎遊昆明池 李百藥

神池望北極滄波接遠天儀星似河漢落景類虞泉年漈

平館宇道泰偃戈船差池下鳧雁掩映生雲烟浪花闕已

合風文直且連稅馬金堤外橫舟石岸前羽觴傾綠蟻飛

日落紅鮮積水浮深智明珠曜晔篇大鯨方遠繫沉灰獨

未然知君嘯儔侶短翮徒聯翩

和七月七日臨昆明池 任希古

秋風始搖落秋水正澄鮮飛眺帝牛渚激賞鏤鯨川岸珠

淪曉魄池灰歛曙烟泛查分馮漢儀星別構天雲光波處

動日影浪中懸驚鴻結蒲艾遊鯉入莊荃萍葉疑江上菱

花似鏡前長林代輕幄細草即芳筵文華開翠激筆海控

清漣不挹蘭罇聖空仰桂丹仙

昆明池晏坐答王兵部珣三韻見示 蘇頌



畫舸疾如飛  
遙遙泛夕暉  
石鯨吹浪隱  
玉女涉塵歸  
獨有銜恩處  
明珠在釣磯

温湯

浴温湯

驪岫猶懷土  
新豐尚有家  
神井堪消疹  
温泉足蕩邪  
紫苔生石岸  
黃葉擁金沙  
振衣殊未已  
翻能使停車

同崔員外温泉即事

郭泐

輦輅移雙闕  
宸遊整六師  
天廻紫微座  
日轉羽林旗  
霜氣寒戈戟  
軍容壯武貔  
弓鳴射鴈處  
泉暖躍龍時  
惠化成觀俗  
謳謠入賦詩  
同歡王道盛  
相與詠雍熙

温湯即事

天仗星辰轉  
霜冬景氣和  
樹含温液潤  
山入綵垣多  
承平金錢賜  
平陽玉輦過  
接輿來自楚  
朝夕值行歌



金盞照平明王葦鼓對與來日焚博又游百福

天付早承神醉太景原味隨含盞苑闢山人怒世多公

文苑英華卷第一百六十五 詩十五

地部七

池二十五首 游泛三十八首

池

和山池 庾信

樂官多暇豫望苑暫回輿鳴笳陵絕限飛蓋歷通渠桂亭  
花未落桐門葉半疎荷風驚浴鳥橋影聚行魚日落含山  
氣雲歸帶雨餘

玄圃瀟池

王褒

長沙春水蒲臨沆廣川中石壁如明鏡飛橋類飲虹垂楊  
夾浦綠新桃綠樹紅對樓還泊岸迎波暫守風漁舟釣欲



蒲蓮房珠半空於茲臨北閣非復坐墟東

山池應令

徐陵

畫舸圖仙獸飛鯨挂采旂榜人事輕漿約女理銀鈎細萍  
時帶穢低荷乍入舟葆啼知谷晚蟬思覺山秋

奉和山池

前人

飄浮無定所鬱鳥屢遷移不覺因風雨何時入後池樓臺  
非一勢臨翫自多竒雲生對戶石後掛入欄枝

經豐城劔池

陰鏗

清池自湛淡神劔久遷移無復連星氣空餘似月池夾篠

澄深谷

類聚作錄

含風結細瀉唯有蓮花萼還想匣中雌

唐都尉山池

崔湜

曲渚颺輕舟前溪釣晚流鴈翻蒲葉起魚撥荇花遊

懸湘柚珠房圻海榴幽尋惜未已清月半西樓

萍池

王維

春池深且廣會待輕舟迴靡靡綠萍合垂楊掃復開

題榮二山池

孟浩然

甲第開金穴榮期樂自多擬嘶支遁馬池養右軍鵝竹引  
携琴入花遊載酒過山公來取醉時唱接籬歌

題沈東美員外山池

仙郎偏好道鑿沼象瀛洲魚樂隨情性舡行任去留秦人  
辨鷄犬堯日識巢由歸客衙門外仍憐反景幽

觀崔郎中張新池

盧綸



引水春山近穿雲復遶林纔聞籬外響已覺石邊深蒲處  
侵苔色澄來見柳陰微風明月夜知有五湖心

題興善寺後池

前人

隔牖棲白鳥似與鏡湖隣日照何年樹花逢幾遍人岸莎  
青有露苔徑綠無塵未願客依止僧中老此身

秋池二首

白居易

身閑無所爲心閑無所思况當故園夜復此新秋池岸澗  
鳥栖後橋明月出時菱風香散漫桂露光參差淨境多獨  
得幽懷竟誰知悠然心中語自問來何遲

二

朝衣薄且健晚簟清仍滑杜近燕影稀雨餘蟬聲歇關中  
得詩境此境幽難說露荷珠自傾風竹玉相戛誰能一月  
宿共翫新秋月暑退早涼歸池邊好時節

新池

前人

數日自穿鑿引泉來近波尋渠通咽處繞岸待清時深好  
求魚養閑堪與鶴期幽草聽難盡入夜睡常遲

南池

蕭條微雨絕荒岸抱清涼入觴山侵塞分泉道接村秋聲  
依樹色月影在蒲根淹泊方難遂他宵關夢竟

宿池上

前人

泉來從絕壑亭敞在中流竹密無空岸松長可絆舟蟪蛄  
潭上夜河漢島前秋異夕期深漲勢翠却此遊



池上宿

劉得仁

事事不求奢長吟省歎嗟無才其世棄有句何誰誇老樹  
呈秋色空池浸月華涼風白露夕此境屬詩家

宣義池上

前人

脩篁夾綠池幽鳥此中飛何必青山遠仍將白髮歸當時  
亦有恨是日總無機柯起秋風細西林磬入微

官池上

僧無可

迥疏城關內寒瀉出雲波岸廣山魚到汀開海鷺過泛溝  
侵道急流葉入宮多移舸浮中沚青宵徹曉河

京兆公池上作

溫庭筠

稻香山色疊平野接荒陂蓮少舟行遠萍多釣下遲  
泉落處涼簟雨來時京口兵堪問何因入夢思

宿友人池

前人

背墻燈色暗宿客夢初成半夜竹窓雨蒲池荷葉聲  
涼秋閣思木落故山情明發又愁起桂花溪水清

于秀才小池

方平

一泓歛澗復澄明半日功夫斲小庭占地無過四五尺浸  
天應入兩三星鷓鴣舟草際浮霜葉魚火沙邊駐水螢  
繞見規模識方寸知君立意象滄溟

池上

鄭谷

池樹愜幽獨狂吟學解嘲露荷香自在風竹冷相敲  
喪忘嫌孤宦無機愛澹交仙山如有分必擬訪三茅



興州東池

前人

南連乳郡流瀾碧浸晴樓徹底千峯影無風一片秋垂楊  
拂蓮葉返照媚漁舟鑿貌還惆悵難遮兩鬢羞

盆池

張蠟

因陶化功外絕衆流通選處離松影穿時減藥業別景  
天在地長對月當空每使登門客烟波入夢中

遊泛

首夏泛天池

梁武帝

薄遊朱明節泛漾天淵池舟楫互容與蘋藻相推移碧沚  
紅菡萏白沙青蓮漪新水以拂舊石殘花落故枝葉軟風易  
出草密路難陴

北寺寅上人房均主遠岫前池

王筠

變期遂長往交甫稱高讓遠跡入滄溟輕舉馳崑閬良由  
心獨善兼且情遊放豈若徇幽長即日窮清曠激水周堂  
下屯雲塞檐向閑牖聽奔濤開窓延壘嶂前階復虛公灑  
迤成洲漲雨點散圓文風生起斜浪遊鱗于澆滯羣飛皆  
呀吭蓮葉蔓田田菱花動搖漾浮光耀庭廡流芳襲帷帳  
匡坐足忘懷詎思江海上

春日臨池

温子昇

光風動春樹丹霞起暮陰嵯峨映連壁飄搖下散金徒自  
臨濠渚空復撫鳴琴莫知流水曲誰辨遊魚心

同會河陽公新造暗山池聊得寓目一庾信

文苑英華卷之五十一



橫階仍鑿澗對戶即連峯暗石疑藏虎盤根似卧龍沙洲  
聚亂荻洞口礙橫松引泉恒數派開巖即十重北閣聞吹  
管南隣聽擊鍾菊寒花正合杯香酒絕濃由來魏公子今  
日始相逢

和瀟池初成清晨臨泛

前人

千金高堰合百頃凌源開翻逢積草浪更識崑明厖猿嘯  
風還急鷄鳴潮即來時看青雀舫遙逐貴洲迴

安德山池宴集

李百藥

朝宰論思暇高宴臨方塘雲飛鳳臺管風動令君香細草  
開金埒流霞泛羽觴虹橋分水態鏡石引菱光上才同振  
藻小伎謬連章懷陰自蘭室徐步返山莊

同前

劉洎

平陽擅歌舞金谷盛招携何如兼往烈命賞叶幽棲巴均  
朝野致還欣物我齊春晚花方落蘭深逕漸迷清新節尚  
短荷小盖猶低無勞拂長袖自待夜烏啼

同前

岑文本

甲第多清賞芳辰命羽扈書帷通竹逕琴臺枕槿籬池疑  
夜壑徙山似鬱洲移黠楹網蘿薜激瀨合埧篔鳥戲番新  
葉魚躍動清漪自得淹留趣寧勞攀桂枝

同前

楊績

狹斜通鳳闕上路抵青樓簪綬啓賓館軒蓋臨御溝西城  
多妙舞玉第出名謳列峯疑宿霧躡壑擬藏舟花蝶亂風



影蘋藻含春流酒闌高宴畢自天山之幽

同前

許敬宗

戚里歡娛地園林矚望新山庭帶芳杜歌吹叶陽春臺榭  
疑巫峽荷葉似洛濱風花榮少女虹梁聚美人宴遊窮至  
樂談笑畢良辰獨歎高陽晚歸路不知津

同前

褚遂良

伏檻丹霞外遶園煥景舒行雲泛會阜蔽月下清渠亭中  
奏趙瑟席上舞燕裾花落春鶯晚風光夏葉初良朋比蘭  
蕙雕藻邁瓊琤獨有狂歌客來承歡宴餘

同前

上官儀

上路低平津後堂羅薦陳綺交開狎賞麗則展方

疑作

密樹風烟積迴塘荷芰新雨霽虹橋晚花落鳳臺春翠釵  
低舞席文香散歌塵方惜流觴蒲夕鳥已成闌

于長史山池三日曲水

陳子昂

摘蘭籍芳日

雜詠  
作月

被宴坐迴汀汎灑清流蒲葳蕤白芷生

金鉉揮趙瑟玉桂弄秦箏巖樹風光媚郊園春樹平烟花  
飛御道羅綺照昆明日落紅塵合車馬亂縱橫

和元舍人萬頃臨池翫月戲為新體 沈佺期

春風搖碧樹秋霧卷丹臺復有相宜夕池清月正開玉流  
含吹動金魄度雲來熠燿光如沸翩翩景若摧半環投積  
草碎壁聚流盃夜久平無渙天清皎未墮鏡將池作匣珠  
以岸為胎有美司言暇高興獨悠哉揮翰初難擬飛名豈



易陪夜光珠在握了了見沈灰

和韋承慶遊義陽公主山池五首 杜審言

野興城中發朝英物外求情懸珠

集作朱

綏望契動赤泉遊

海燕巢書閣山鷄舞畫樓兩餘清晚夏共坐此巖幽

二

逕轉危峯逼橋斜缺峯坊玉泉移酒味石髓換粳香縮霧  
青條弱牽風紫蔓長猶言宴樂少別向後池塘

三

琴琴繞碧沙搖筆弄清霞杜若幽庭草芙蓉曲沼花宴遊  
成野客形勝得山家徃徃留仙步登攀日易斜

四

石當軒倚懸泉波牖飛鹿麝嘶妓席鶴子曳童衣園菓  
葦難遍池蓮摘未稀捲簾惟待月應在醉中歸

五

賞翫竒他日高深愛此時池爲八水背峯作九山疑地靜  
魚常逸人閑鳥欲欺青溪流別興更與白雲期

嘗與大理丞袁公大府丞田公偶詣一所林沼尤  
勝因並坐其次相得甚歡遂賦詩焉以詠其事

張九齡

方駕與吾友同懷不異尋偶逢池竹處便會江湖心夏近  
林方密春餘水更深青華兩暉映閑步一窺臨蘋藻復佳  
色鳧鷖亦好音韶芳媚洲渚惠氣襲衣襟蕭散皆爲樂徘徊



文苑英華 卷一百一十五

子集作

成風志歲晚共抽簪

過崔駙馬山池

王維

畫

集作

樓吹笛妓金埒酒家胡錦石稱貞女青松學大夫

脫貂貫桂酌射鴈與山厨聞道高陽會愚公公正愚

靈雲池送從弟

前人

金盃緩酌清歌轉畫舸輕移艷舞迴自嘆鶻鴒臨水別不

同鴻鴈向池來

鄭駙馬池臺喜遇鄭廣文同飲

杜甫

不謂生戎馬何知共酒盃燃臍邵塢散握節漢臣回白

千行雪丹心一寸灰別離經此地披寫忽登臺重對秦

發俱過阮巷來留連春夜舞淚落更徘徊

同族弟評事黯遊昌禪師山池

李白

遠公愛康樂爲我開禪關蕭然松石下何異清涼山花將

色不染水與心俱閑一坐度小劫觀空天地間

奉和苑舍人宿直曉翫新池亭寄南省友

沈東美

傳聞閭闔裏寓直有神仙史爲三墳傳卽因五字遷晨臨

翔鳳沼春注躍龍泉去似登天上來如看鏡前影搖宸翰

發波淨列星懸旣濟仍懷友流謙欲進賢禪疑冠聲實貴

覆被溼恩偏溫室言雖阻文場契獨全玉珂光赫奕朱紱

氣蟬聯興逸潘仁賦名高謝朓篇青雲仰不逮白雪和難

牽冉冉胡爲此甘心老歲年



蘇著作山池

賈彦璋

水榭子雲家峯瀛宛不賒芥浮舟是葉蓮岫發為花酌蟻  
開春瓮視魚憑海查遊蘇多石友題贈蒲瑤華

陪中書李紆舍人夜泛東池

盧綸

看月復聽琴移舟出柳陰夜村機杼急秋水芰荷深石靜  
龜潛上萍開菜疑暗沈何言盃酒興得見五湖心

宴楊駙馬山池

韓翎

垂楊拂岸草茸茸繡戶簾前花影重繪下玉盤紅縷細酒  
開金瓮綠醅濃中朝駙馬何平叔南國詞人陸士龍落日  
泛舟同醉處迴潭百丈映千峯

池上早春即事嘲

集作招

夢得

白居易

元稹舊年故改集作閑光覺日長晴薰榆莢黑春染柳稍黃  
雪破山呈色冰融水放光低平穩船舫輕暖好衣裳白角  
三升榼紅笥六尺床偶逢難得伴獨醉不成狂我有中心  
樂君無外事忙經過莫慵嬾相去兩三坊

池上閑詠

前人

青莎臺上起書樓綠藻潭中繫釣舟日晚愛行深徑裏月  
明多在小橋頭暫嘗新酒還成醉亦出中門便當遊一部  
清商聊送老白鬢蕭颯管絃秋

酬裴相公題興化小池見招長句

白居易

為愛小塘招散客不嫌老監與新詩山公倒載無妨學范  
蠡扁舟未要追蓬斷偶飄桃李徑鷗鷺悞拂鳳凰池敢辭



課拙酬高韻一勺爭禁萬頃波

遊宣義池亭

姚合

春入池亭暖風光老更鮮  
尋芳行不困逐勝坐還遷  
細草亂如髮幽禽語似蟬  
集作鳥似絃苔文翻古畫石色學秋天  
落花能漂酒萍開解避船  
暫來猶愈疾久往合成仙  
迸筍支背起垂藤壓樹偏  
此生應借看自料買無錢

金州晚夏陪姚員外南池

僧無可

柳暗清波漲衝萍復漱苔  
張軌高僧詩白鳥起掃岸使君  
來洲鳥秋應沒荷花曉  
高僧詩盡開高城吹角罷  
驅馭尚徘徊

徘徊

與諸公池上待月

楊發

稠密雲縈岸池遙水際空  
菱開方吐鏡蘋動欲含風  
漸映沙汀白微分渚葉紅  
金波宜共賞仙棹一宵同

陪王尚書及蓮池舟

許渾

蓮塘移畫舸泛泛日華清  
水暖魚鱗躍烟秋鴈早鳴  
舞疑迴雪態歌轉過雲聲  
客散山公醉風高月滿城

和沈參軍招支生觀芙蓉池

溫庭筠

桂棟坐清曉瑤琴變鳳鳴  
兄聞楚澤杳適與秋風期  
遂使棹萍客靜嘯烟草看  
回澹蕩愁紅涓漣漪湘莖  
久蘚澁宿雨增離披而我  
江海意楚遊動夢思北渚  
水雲蔓南塘烟露枝豈亡  
池芳獨與鷗鳥知珠墜魚  
迸淺影多鳥泛遲落英不  
可攀返照昏澄陂



泛觴池

薛能

通咽遠華罇泛觴名自君  
淨看籌見影輕動酒生紋  
細滴隨盃落來聲就浦分  
便應半酣後清冷漱蕪雲

春盡獨遊慈恩寺南池

趙嘏

竹外池塘烟雨收送春無  
伴亦遲留秦城馬上半年  
客滯鬢今日水邊愁氣變  
晚雲紅映闕風含高樹碧  
遮樓杏園花落遊人盡獨  
為主峯一舉頭猶風高

文苑英華卷第一百六十五  
開式出驗燕庭合風神知  
文苑英華卷第一百六十六  
詩十六

池部八

池雜題七首

溪九首

游泛二十八首

雜題二十一首

池雜題

題壽安王主簿池館

蘇頲

落邑通馳道韓郊在屬城  
館將花雨映潭與竹聲清  
賢後鸞栖棘賓遊馬佩衡  
願言隨狎鳥從此濯吾纓

和伊

集作

諫議史館山池作

王維

雲館接天居霓裳侍玉除  
春池百子外芳樹萬年餘  
洞有仙人錄山藏太史書  
君恩深漢帝且莫上空雲  
一作虛



野居池上有月

悠然雲間月復此照池塘  
泣露蒼茫濕沉波澹灩光應門  
當未曙歌吹蒲昭陽遠近徒傷目  
清輝霽自長

雨後宿劉司馬池上

賈島

藍溪秋漱玉此地漲清澄  
蕭蕭聲無雨菱荷香遠燈岸頭  
秦古道亭西漢光陵靜想泉根本  
幽崖落幾層

盧氏池上遇雨贈同遊

溫庭筠

簞翻涼氣集溪上潤殘菘  
萍皺風來後荷喧雨到時寂寥  
閑望久飄洒獨歸遲無限松江恨  
勞君解釣絲

習池晨起

皮日休

清曙蕭森載酒來涼風相引繞亭臺  
數聲翡翠背人去

菴芙蓉含日開菱葉深深埋釣艇  
魚兒漾漾逐流盃竹

風下登山屐十宿高陽志却迴

官池秋夕

羅隱

池邊月影開婆娑池上醉來成短歌  
芙蓉抵死怨珠露蟋蟀苦口嫌金波  
往事向人閑不得舊遊臨老恨空多  
松膠

作酒蘭為棹十載煙塵奈爾何

溪

入小密溪

沈佺期

雲峯苔壁遠溪斜江路香風夾岸花  
樹密不言通鳥道鷄鳴始覺有人家  
人家更在深巖口澗水週流宅前後  
遊魚瞥瞥雙釣童伐木丁丁赤樵叟  
自言避喧非避秦薜衣新



鑿帝堯人相留且待鷄黍熟夕臥深山蘿月春

過清溪木作

王維

言入黃花川每逐清溪水隨山將萬轉趣途無百里聲喧  
亂石中色淨深松裏演漾泛菱荇澄澄映葭葦我心素已  
閑清川澹如此請留盤石上垂釣將已矣

姑熟溪

李白

愛此溪水閑乘流興無極擊楫怕鷗驚垂竿待魚食波翻  
曉霞影岸疊春山色何處浣紗人紅顏未相識

入清溪行山中

前人

清溪清我心水色異諸水借問新安江見底何如此人行  
明鏡中鳥度屏風裏向曉猩猩啼空悲遠遊子

同前

前人

輕舟去何疾已到雲林境起坐魚鳥間動搖山水影巖中

響自合

疑作答

溪裏言彌靜無事令人幽停橈向餘景

雲母溪

劉長卿

雲母映溪水溪流知幾春深藏武陵客時過洞庭人白髮  
慙皎鏡清光媚淵淪寥寥古松下歲晚掛頭巾

白雲溪

吳鞏

山徑入修篁深林蔽日光夏雲生嶂遠瀑水引溪長秀跡  
逢皆勝清氣坐轉涼回看玉樽夕歸路賞前忘

晚次宣溪

韓愈

昭陽南去接宣谿雲水蒼茫日向西客淚數行元

集作自



落鷓鴣休傍耳邊啼

宿黑龜溪

張籍

夜到碧溪裏無人秋月明  
逢幽便移宿取伴亦深行  
花下紅泉色雲中乳鶴聲  
明朝寄歸處石上自書名

遊泛

泛長溪

任昉

殖祿聚歸糧衣隱謝羈勒  
絕物耳離羣長懷忍去國  
長溪永東舍震區窮水城  
道遇垂綸叟聊長問津惑  
弭楫中九言無為累牽纏  
長泛滄浪水從明至臙黑

落日泛舟東溪

前人

黝黝桑柘繁芄芄麻麥盛  
交柯溪易陰反景澄餘映  
吾生有待樂天度知命不  
學梁甫吟唯識滄浪詠田  
荒我亦秋秋滿余謝病

偶遊龍門北溪忽懷驪山別業因以言志示弟淑

奉呈諸大寮

常嗣立

幽谷杜陵邊風煙別幾年  
偶來伊水曲溪嶂覺依然  
傍浦憐芳樹尋崖愛綠泉  
嶺雲隨馬足山鳥向人前  
地合心俱靜言因理自玄  
短材叨重寄尸祿愧妨賢  
每挹挂冠侶思從初服旋  
稻梁仍欲報歲月坐空捐  
助岳無纖塊輸溟謝末消  
還晤北轅失方求南澗田

奉酬龍門北溪作

張說

石澗泉虛落松崖路屈廻  
聞君北溪下想像南山隈  
近念



鼎門別遙思雲障陪不知奇觀往空觀斯文來歲後寒初  
變春前芳未開黃蕤裊岸柳紫苔集作拆村梅盡室茲遊  
翫盈門幾樂哉嗟留洛陽陌夢謁建章臺野有巢由性朝  
非元凱才希懷欽遠迹幽意日塵埃

同前

崔泰之

闕塞臨秋水驪山枕灊川俱臨隱路側同在帝城邊謝公  
兼出虜勢妓翫林泉鳴騶噴梅雪飛蓋曳松煙聞琴幽谷  
裏看博古巖前落日低帷帳歸雲繞管絃叨榮慙北闕微  
尚愛東田寂寞灰心盡蕭條塵事牽朝思登嶰絕夜夢弄  
潺湲宿懷南澗意况觀北溪篇

同前

崔日和

夙齡秉微尚中年忽有隣以茲山水癖遂得狎通人迨衣  
咸京道聞君別業新巖前窺石鏡河畔踏芳茵旣憐伊浦  
綠復憶灞池春連詞謝家子同歡冀野實趣閑魚共樂情  
洽鳥來馴詎念昔遊者抵命獨留秦蕭條潁陽戀冲漠漢  
陰真無由陪勝躅空此翫書筠

同前

魏知古

有美朝爲貴幽尋地自偏踐臨伊水沈想望灞池邊是御  
皆新賞茲遊若舊年藤蘿隱路接楊柳拂集作清聯道愜  
神情至機忘俗理捐遂初誠已重兼濟實爲賢跡是東山  
上心仍北闕前顧慙經拾紫多謝賦思玄未躡中林步空  
承華藻傳陽春和已寡知寂意徒然



泛鏡湖南溪

宋之問

乘興入幽樓舟行日向低  
叢花候冬發谷鳥作春啼  
峒天小叢篁夾路迷  
猶聞可憐處更在若耶溪

未陽谿夜上

張九齡

乘夕棹歸舟綠源路轉幽  
月明看嶺樹風靜聽谿流  
嵐氣缸間入霜花木上浮  
猿聲雖此夜不是別家愁

東谿翫月

王維

月從斷山口遙吐柴門端  
萬木分空霽流陰中夜攢光連  
厖象白氣與風露寒谷靜  
秋泉響巖深青霽殘清澄入幽  
夢破影抱空巒恍惚琴窻裏  
松溪曉思難

秋浦清溪雪夜對酒客有唱山鷓鴣者

李白

秋浦與同生

集作周剛

宴清溪玉鏡潭

李白

康樂上官去未嘉遊石門江中  
集作亭非有孤嶼千載跡猶存  
我來憇秋浦三入桃波  
集作源千峯照積雪萬壑盡啼猿

興與謝公合文因周子論掃崖去落葉帶月開酒罇  
溪當

大樓南溪水正南奔廻作玉鏡潭澄明洗心魂  
此中得佳

境可以絕置喧清夜方歸來酣歌出平原  
別後經此地焉

余謝蘭蓀

春泛若耶溪

綦毋潛

幽意無斷絕此去隨所偶  
好風吹行舟落花  
文粹作入花路

口際夜轉西壑隔山望南斗  
潭煙飛溶溶林月低向後生



事且彌漫願為持竿叟

上巳日越中與鮑侍御泛舟若耶溪 劉長卿

蘭橈萬轉望江沙集作傳應接集作雲峯到若耶舊浦遠

來移渡口垂楊深處有人家未和春色千年在曲水鄉心

萬里賒君見魚船時借問前洲幾路入煙花

奉陪鄭中丞自宣州解印與諸姪宴餘干後溪

前人

跡遠親魚鳥功成怨鼓鼙林中阮生集池上謝公題戶牖

垂藤合落籬揮檜齊夕陽山向背春草水東西看竹誰家

好尋花幾路迷何勞問秦漢更入武陵溪

答秦徵君除少府春日見集茗溪酌梁耿別後見

寄六言

前人見集本

晴川落日初低一作清川惆悵一作孤舟解携鳥向平蕪

一作遠近人隨流水東西白雲千里萬里明月前溪後溪

獨恨長沙謫去江潭春草萋萋

泛若耶溪

丘為

結廬若耶裏左右若耶水無日不釣魚有時向城市溪中

流水急渡口水流寬每得樵風便往來不難一川草長

綠四時那得辨短褐衣妻兒餘糧及鷄犬日暮鳥雀希稚

子呼牛歸住處無隣里柴門獨掩扉

溪行即事

釋靈一

近夜山更碧入林溪轉清不知伏牛路潭洞何縱橫曲岸



煙已合平湖月未生孤舟屢失道但聽秋泉聲

雨後欲往天目山問元路二公溪路 前人

昨夜雲生天井東春山一雨幾迴風林花併逐溪流下欲

上龍池通不通

奉陪顏使君脩韻海畢東溪泛舟餞諸文士

釋皎然

諸侯崇魯學燕鴈日成群外史刊新韻中郎定古文菁華

兼百氏雅素備三墳國語思開物王言欲致君研精業已

就歡宴惜應分獨望西山去將身寄白雲

西溪獨泛 前人

道情何所寄素舸漫流閒真性憐高鶴無名羨野山輕寒

竹秀入靜片雲閑泛泛誰為侶唯應共月還

若溪春興 前人

春生若溪水雨後漫流通芳草行無盡春源去不窮野煙

迷極浦斜日起微風數處乘流望依稀似剡中

遊溪待月 前人

溪色思泛月沿回疑作欲未歸殘燈逢水店踈落憶山扉

夜浦魚驚少空林鵲遠稀可中纔望見掩亂擣寒衣

奉陪侍中遊石笋溪十二韻 盧綸

朝日望靈山中溪浩紛錯圖書無舊記繇禹應新鑿雙壁

瀉天河一峯吐蓮萼潭心亂雪卷巖腹繁珠落彩蛤攢錦

囊芳蘿嫋花索猿群騰陽嶺龍穴腥陰壑靜得魚者言閑



聞洞仙傳歌松倚朱幃廣石屯油幕國泰事留候山春縱  
康樂間關殊牀鳥爛熳無名藥欲驗少君方還吟大隱作  
旌幢不可駐古塞新沙漠

雲溪遠望

張籍

雲水碧悠悠西亭古岸頭夕光陰遠岫斜照逐迴流此地  
動歸思逢君方倦遊吳興耆舊盡空見白蘋洲

和韓吏部泛南溪

賈島

溪裏晚從池岸出石泉秋急夜深聞木蘭船共山人上月  
映渡頭零落雲

泛溪

項斯

溪紅泛數里便覺少炎暉動水花連影逢人鳥背飛深澗  
見白石涼好換生衣未得多詩句終須隔宿歸

藍溪夜坐

張喬

藍水警塵夢夜吟開草堂月臨山靄薄松滴露花香詩外  
真風遠人間靜興長明朝訪禪侶更上翠微房

雜題

入峭峽

陳子昂

蕭徒歌伐木驚或作驚 舫漾輕舟靡迤隨波水潺湲沂淺流  
煙沙分兩岸露或作霧 島夾雙洲古樹連雲密交峯入浪浮

巖潭相映媚溪谷屢環周路迴光踰逼山深興轉幽麇麇  
寒思晚猿鳥暮聲秋誓息蘭壺策將從桂樹遊因書謝親  
愛千歲覓蓬丘



白湖守後溪宿雲門

常建

落日山水清，亂流鳴淙淙。舊浦雨抽節，新花水對窓。溪中日已沒，歸鳥多爲雙。杉松引直路，出谷臨前湖。洲渚晚色晴，又觀花與蒲。入溪復登嶺，草淺寒流速。圓月明高峯，春山因獨宿。松陰澄初夜，曙色分遠目。日出城南隅，青青媚川陸。亂花覆東郭，碧氣銷長林。四郊一清影，千里歸寸心。前瞻王程促，却戀雲門深。畢景有餘興，到家彈玉琴。

若耶溪逢孔九

綦毋潛

相逢此溪曲，勝託在煙霞。潭影竹裏動，巖陰簷外斜。一作斜人言上皇代，犬吠武陵家。借問淹留日，春風滿若耶。

此詩二百一十八字，今已削去

酬綦毋校書夢若耶溪見贈

儲光羲

校文在仙掖，每有滄洲心。况此北窓下，夢還青溪陰。春看湖口漫，夜入迴塘深。往往纜垂葛，出舟望前林。山人松下飯，釣客廬中吟。小隱何足貴，長年固可尋。還車首東道，惠言若南金。以我採微意，傳之千姥岑。

留題李明府雲溪水堂

寥寥此堂上，幽意獨難論。落日無王事，青山在縣門。雲峰向高枕，漁釣入前軒。竹動疎簾影，苔生雙履痕。荷香隨坐卧，湖色映晨昏。虛牖閑生白，鳴琴靜對言。暮禽飛下上，春水帶清渾。遠岸誰家柳，流煙何處村。謫居投瘴癘，離思過湘沅。從此扁舟去，誰堪江浦猿。



尋東溪還湖中作

劉春虛

出山更迴首日暮清溪深東嶺新別處數椽呼空林昔遊  
有功跡此路還獨尋幽興方在往歸懷復爲吟雲峯紫巖前  
意湖水成遠岑望已意疑超越坐鳴舟中琴

穎陽東溪懷古

崔曙

靈溪氛霧歇皎鏡清心顏空色下映水秋聲多在山世人  
又踈曠萬物皆自閑白露寒更落孤雲晴未還昔時讓王  
者此地閉柴關無以躡高步淒涼岑壑間

太白東溪張老舍即事寄舍弟姪等 岑參

渭上秋雨過北風暮騷騷天曠詭山出太白峯最高主人  
東溪老兩耳生長毫遠近知百歲子孫皆二毛中庭井桐  
上一架彌穠桃石泉飯香杭酒瓮開新糟愛茲田中趣始  
恨世上勞我行有勝事書此寄爾曹

戈陽溪中望仙人城

顧况

何草芝靈姿無山不孤絕我行雖云蹇偶勝聊換節上界  
浮中流光響洞明城曉禽曝霜羽寒魚依石髮自有無還  
心隔波望松雪

靜林溪舍即梁武隱所有鍾磬並古物 釋靈一

靜林溪路遠蕭帝有遺蹤水擊羅浮磬山鳴于闐鍾燈傳  
三際火樹老萬株松無復雲霞色空聞昔臥龍

同李洗馬入餘不溪經辛將軍故城 釋皎然

慘慘寒城望將軍不世時高墉暮草遍大樹野風悲壁壘



今猶在勲庸近可思蒼然古溪上川樹自瘦其

剡溪行却寄別新者

朱倣

潺湲寒溪上自此成離別迴首望歸人移舟逢暮雪頻行  
識草樹漸老傷年髮唯有白雲心為向東山月

越溪村居

戴叔倫

年來晚客寄禪扉多話貧居在翠微黃雀數聲催柳變清  
溪一路踏花歸空林野寺經過少落日深山伴侶稀負米  
到家春未盡風蘿閑掃釣魚磯

清溪路中寄高子二侍御

崔備

偏郡隔雲岑溪迴路更深少留攀桂樹畏海望梅林野  
資公膳山花慰客心別來無信至可謂井甌沉

將移耶溪舊居留呈嚴長史陳校書 秦系

鷄犬魚舟裏長謔任興行即今邀客醉已被遠山迎書  
將非重荷衣著甚輕謝安無箇事忽起為蒼生

假攝池州留別東溪隱居 朱灣

一官仍是假豈願數離群愁鬢看如雪浮名認是雲暫辭  
南國隱莫勒北山文今夜松溪月還應夢見君

溪行逢雨與柳中庸

李端

日落衆星分蕭蕭暮雨繁那堪兩處宿共聽一聲猿

贈同溪者

張籍

幽居得相近煙景亦寥寥共伐臨谿樹同為過水橋自教  
仙鶴舞分採玉芝苗更愛南峯好尋君畏路遙



芙蓉溪送前資州裴使君歸京寧拜戶部裴侍郎

薛逢

桑柘林枯麩麥乾，欲分離袂百憂攢。  
臨溪莫話前途遠，舉酒須歌後會難。  
薄宦未甘霜髮改，夾衣猶耐水風寒。  
遙知阮巷歸寧日，幾院兒童候馬看。

宿裴氏谿居懷厲玄先輩

馬戴

樹下孤石坐，草國微有霜。同人不同此，零鳥自南翔。  
迢遞夜山色，青冷泉月光。西風耿離抱，江海遙相望。

雪溪晚泊寄裴庶子

羅隱

溪風如扇雨如絲，閑步閑吟祇憶詩。  
杯酒踈狂如曩日，野花狼籍似當時。  
道窮漫有依劉感，才急應無借寇期。  
前報山真相笑與，君俱是受深知。



文苑英華卷第一百六十六

文苑英華卷第一百六十七

詩十七

帝德

執契靜三邊一首

奉和執契靜三邊應詔二首

觀大駕出叙事寄懷一首

織錦作太平詩一首

在雋州遙叙封禪一首

宣政殿芝草一首

奉和皇帝上禮撫事述懷一首

皇帝上禮撫事述懷一首

扈從登封途中作四首

龍池篇一首

大同殿生玉芝龍池上有慶雲百官共覩聖恩便賜



宴樂因書即事一首

駕出長安一首

駕幸河東一首

皇帝聖感詞四首  
天長地久詞五首

大禮畢皇帝御丹鳳門改元建中大赦一首

還京樂歌詞一首  
春日奉獻皇壽無疆十首

太和戊申歲大有年詔賜百僚出城觀秋稼謹書盛

事以俟采詩者一首

今皇帝陛下詔徵兵不日功集河湟關郡次第歸降

獲觀聖功輟歌詠一首

奉和白相公聖德和平致茲休運歲終功就合詠盛

明呈上三相公一首

歌詠聖德追懷天寶因題關亭一首

宣政殿前陪位觀冊憲宗皇帝尊號一首

元日樓前觀仗二首  
三年冬大禮五首

昇平詞五首  
朝元引四首

聖帝擊壤歌一首  
歲仗二首

執契靜三邊  
唐太宗

執契靜三邊持衡臨萬姓王彩輝關燭金華流日鏡無為

宇宙清有美璇璣正皎珮星連景飄衣雲結慶戢戈榮十

德昇文輝九功煙波澄舊碧塵火息前紅霜野韶連劍關

城罷月弓錢綴榆天合新城柳塞空花稍蕙嶺雪殼盡流

沙霧秋駕轉兢懷春冰彌軫慮書絕龍庭羽烽休鳳穴戍



衣宵寢二難食肝殮三懼剪暴興先廢除凶存昔亡圓蓋  
歸天懷方輿入地荒乳海池京邑雙河沼帝鄉脩躬思勵  
已撫俗愧時康元首佇鹽梅股肱唯輔弼羽賢崆嶺四翼  
聖襄城七澆俗庶反淳替文聊就質已知隆至道共歡區  
宇一

奉和執契靜三邊應詔

許敬宗

玄塞隔陰戎朱光分昧谷地遊窮北際雲崖盡西陸星次  
絕軒臺風衢垂禹服寰區無所外天覆合咸育窳穢猶有  
孽戮負自貽辜網踈妖覲滌盤藪惟禽捕聲飛尚假息乳  
視慙稽誅乾靈振王怒神畧運璇樞日扇廓遊氣天陣清  
華野昇暉光西夜馳恩溢東鴻揮袂靜寗炎關關納流  
錦輶凌右地華纓羈大夏清臺映羅葉玄泚控瑤池駿  
輸玆貺樹羽饗來儀輟餽觀化雨栢禦萃條支薰風交闕  
闕就曰泛濛漪克庭延飲至絢簡敷春藻迎姜已創圖命  
力方論道昔托遊河乘再備商山皓欣逢德化流思効登  
封草

觀大駕出叙事寄懷

釋法

紫臺宵漏竭青門曙鼓通輕霞照複道徐吹轉相風王鑾  
光萬騎金輿鬱五戎鳴笳猶度闕清蹕尚喧宮雲旗亂陌  
紫羽旆雜塵紅百城歸北麗兩漢久慙雄吾曹陋薄技餘  
慶洽微躬平原已起洛印手亦還豐得奉衣冠盛仍觀書  
軌同猶言待封告未忍向華嵩



織錦作太平歌詩

新羅王德真

永徽五年

合從本傳作元年

新羅王德真

即新羅王金真平女也平卒無子女乃嗣立為

王 大破百濟之衆其弟子春秋之子法敏以聞德真乃織

錦作五言太平詩以獻之其詞曰

大唐開洪業魏魏皇猷昌止戈戎衣定脩文繼百王統天

崇雨施利物體含章深仁諧日月撫運邁時康幡旗何赫

赫征

一作鉦

鼓何鏗鏗外夷遠命者剪覆被天殃和風凝宇

宙

一作渾風疑幽顯

遐邇競呈祥四時調玉燭七耀巡萬方維嶽

降宰輔維帝任忠良五三成一德照我皇家唐

在雋州遙叙封禪

李義府

天齊標巨鎮日觀祭崇祠岩嶷臨渤澥隱憐控河沂建歲

誠為長升功諒在茲帝猷符廣運玄範暢文思飛聲紛

絡裁化撫乾維瑞策開珎鳳禎圖薦寶龜創封超昔夏脩

禪掩前姬東后方肆覲西都尊六師肅駕移星苑揚罕馭

風司沸鼓喧平陸凝蹕靜通達汶陽馳月羽蒙陰警電麾

巖花飄曙輦峯葉蕩春旗石間環藻衛金壇映黼帷仙階

溢秘柜靈檢耀祥芝三始貽遐祝萬歲受重釐菲質陶恩

獎趣迹奉軒墀解網淪幽裔乘微限濟時周南昔已歎邛

西今復悲

宣政殿芝草

前人

明王敦孝感寶殿秀靈芝色帶朝陽淨光涵南露滋且標

宣德重更引國恩施聖祚今無限微臣樂未移



奉和皇帝上

集作

禮撫事述懷

陳子昂

大君忘自我應運居紫宸揖讓期明辟謳謔且順人軒宮  
帶圖盛皇極禮容申南面朝萬國東堂會百神雲陛旗常  
滿天庭玉帛陳鍾石和睿思雷雨被深仁承平信娛樂王  
業本艱辛愿罷瑤池宴來觀農扈春卑宮昭夏禮尊老睦  
堯親微臣敢拜首歌舞頌惟新

皇帝上

一作

禮撫事述懷

李嶠

配極輝光遠承天願託隆負圖濟多難脫履歸成功聖道  
昭未錫邕言讓在躬還推萬方重咸仰四門聰恭已忘自  
逸因人體至公垂旒洽海宴解網法星空雲散天五色春  
來日再中稱觴合纓弁率舞應絲桐凱樂深居鑄傳歌庭

小臣濫簪筆無以頌唐風

扈從登封途中作

宋之問

帳殿鬱崔嵬仙遊實壯哉曉雲連幕卷夜火雜星回谷暗  
千旗出山鳴萬乘來扈遊良可賦終乏決天才

扈從登封告成頌

前人

御路廻中嶽天宮接下都百靈無後至萬國竟疑作前驅  
文衛嚴清蹕幽仙讀寶符貝花明漢菓芝草入堯厨濟濟  
衣冠會喧喧夷夏俱宗禋仰神理凱樂望仙途撫已貧非  
病時來本不愚愿陪丹鳳輦率舞白衢

頌

前人

複道開行殿鈎陳列禁兵和風吹鼓角佳氣動旗旌後騎



迴天苑前山入御營萬方俱下拜相與樂昇平

松山頌

前人

翼翼高旌轉鏘鏘鳳輦飛塵銷清蹕路雲濕從臣衣白羽  
搖丹壑天宮通翠微芳聲耀千古四海警宸威

龍池篇

沈佺期

龍池濯龍龍已飛龍得光天天不遠池開天漢分黃道龍  
向天門入紫微邸第樓臺多氣色君王鳧鴈有光暉爲報  
寰中百川水來朝北地莫東歸

大同殿生玉芝龍池上有慶雲百官共覩聖恩便

賜宴樂因書即事

王維

欲笑周文歌宴鎬遙輕漢武樂橫汾豈如玉殿生三秀詎

有銅池出五雲陌上堯樽傾北斗樓前舜樂動南薰

天意同人意萬歲千秋奉聖君

駕出長安

王昌齡

聖德超千古皇風扇九圍天回萬象出駕動六龍飛淑氣  
來黃道祥雲覆紫微大平多扈從文物有光輝

駕幸河東

晉水千廬合汾橋萬國從開唐天業盛入沛聖恩濃下輦

回三象題碑任

疑

六龍睿明懸日月千載此時逢

皇帝聖感詞四首

盧綸

提劍雲雷動垂衣日月明禁花呈瑞色國老見星精發棹  
魚先躍窺巢鳥不驚山呼一萬歲直入九重城

文苑英華卷一百一十五

王

文苑英華卷一百一十五

六

陳



二  
天衣五鳳彩御馬六龍文雨露清馳道風雷翊上軍高旌  
花外轉行漏嶽前聞時見金鞭舉空中指瑞雲

三  
妙筭千戈止神謀宇宙清兩階文物盛七德武功成校獵  
長楊苑屯軍細柳營歸來獻明主歌舞溢春城

四  
天樂下天中雲屏儼在空鉛黃艷河漢笑語合笙鏞已見  
長隨鳳仍聞不射熊君王親試舞閭闔靜無風

天長地久詞五首  
前人  
玉砌紅花樹香風不敢吹春光解人意偏發殿南枝

二  
虹橋千步廊半在水中央天子方清署宮人重暮粧  
天長地久

萬年  
昌  
三  
辭輦復當熊傾心奉六宮君王若看貌其在衆妃中  
天長地久

四  
雲日呈祥禮物殊彤庭生獻五單于塞天萬里無飛鳥可  
在邊城用到都

五



臺殿雲涼秋日微君王初勳六宮衣樓船泛罷歸猶早行  
遣才人門射飛

大禮畢皇帝御丹鳳門改元建中大赦 李益

大明曠曠天地分六龍負日昇天門鳳凰飛來御帝蘇言  
我萬代金皇孫靈鷄鼓舞承天赦高翔百尺乘朱幡宸君  
穆清受天曆建中甲子合上元曼窮景命則已至王事乃  
可酌乾坤升中告成答玄貺沈金檢玉照鴻恩雲亭之事  
畧可記七十二君寧獨尊小臣有上封禪草 集作表 久而未  
召 集作就 歸陵閣

還京樂歌詞 竇常

百戰初休十萬師國人西望翠華時家家盡唱升平曲帝

幸梨園親製詞

春日奉獻皇壽無疆詞十首 楊巨源

文物京華盛謳謔國步康平池供壽酒銀漢灑宸章靈羽  
含雙闕雷霆肅萬方代推仙祚遠春共聖恩長鳳宸臨花  
暖龍鑪旁日香遙知千萬歲天意奉君王

二

鴛鴦彤庭際軒車綺陌前九城多好樂萬井半祥煙人醉  
逢堯酒鸞歌荅舜絃花明御溝水香暖禁城天賜宴文逾  
盛徵歡物更研無窮艷陽月長奉太平年

三

雲陛臨黃道天門在碧虛大明含睿藻元氣抱宸居戈偃



征苗後詩傳宴鎬初年華富仙苑時哲滿公車化入網緼  
大恩垂渙汗餘悠然萬方靜風俗揖華胥

四

玉漏飄青璫金鋪麗紫宸雲山九門曙天地一家天瑞霽  
方呈賞暄風本配仁巖廊開鳳翼水殿壓鸞身文雅逢明  
代歡娛及賤臣年年未央闕恩共物華新

五

垂拱乾坤正歡心品類同紫煙含北極玄澤付東風珠綴  
留晴景金莖直曉空發生資盛德交泰讓全功間氣登三  
事祥光啓四聰遐荒似川水天外一朝宗

六

是文明書春當宴喜時鑪煙添柳重宮漏出花遲  
方寬律周宮正採詩碧霄傳鳳吹紅旭在龍旗造化膺  
契陽和沃聖恩無因隨百獸率舞奉丹墀

七

睿德符玄化芳情翊太和日輪皇鑒遠天仗聖朝多曙色  
含金榜晴光轉玉珂中宮陳廣樂元老進賡歌蓮葉著龜  
上桐花識鳳過小臣空擊壤滄海是恩波

八

物象朝高殿簪裾溢上京春當九衢好天向萬方明樂報  
簫韶發杯着沆瀣生芙蓉丹闕暖楊柳玉樓晴閭闔開中  
禁衣裳灑太清南山同聖壽長對鳳凰城



日上蒼龍闕香含紫禁林晴光五雲疊春色九重深賞叶  
元和德文垂雅頌音景雲隨御輦顯氣在宸襟永保無疆  
壽長懷不戰心聖朝多慶賜瓊樹粉墻陰

化洽生成遂功宣動植知瑞凝三秀草春入萬年枝鳳掖  
嘉言進鴛行嘉氣隨仗臨丹地近衣對碧山垂渥澤方柔  
遠聰明本聽卑願同東觀士長對漢威儀

大和戊申歲大有年詔賜百寮出城觀秋稼謹書

盛事以俟采詩者

劉禹錫

安銅雀鳴秋稼與雲平玉燭調寒曙金風報順成川原

上瑞恩澤賜閑行欲返皇城掩猶聞歌吹聲

今皇帝陛下詔徵兵不自功集河湟關郡次第

歸降臣獲覩聖功輒獻歌詠

杜牧

捷書皆應睿謀期十萬曾無一鏃遺漢武慙誇朔方地周  
宣休道太原師威加塞外寒來早恩入河源凍合遲聽取  
滿城歌舞曲涼州聲韻遠參差

奉和白相公聖德和平致茲休運歲終功就合詠

盛明呈上三相公

前人

行看膺破好年光萬壽南山對未央黠憂可汗脩職貢文  
思天子復河湟應須日馭西巡狩不假星弧北射浪吉甫  
裁詩歌盛業一篇江漢美宣王



歌詠聖德追懷天寶因題關亭 前人

聖敬文思業太平海寰天下唱歌行秋來氣勢洪河壯霜  
後精神泰華寧廣德有強朝萬國用賢無敵是長城君王  
若悟治皮諭安史何人敢弄兵

宣政殿前陪位觀冊憲宗皇帝尊號 薛逢

樓頭鍾鼓遞相推曙色當衙曉仗開孔雀扇分香按出衣  
龍衣動冊函來金泥照耀傳中旨玉節從容引上台盛禮  
求尊徽號畢聖慈南面不勝哀

元日樓前觀仗二首 前人

千門曙色鑲寒梅五夜踈鐘曉箭催寶馬占堤朝闕去香  
車爭路進名來天臨玉几班初今日照金鷄仗欲迴更芳

微昨北斗上林佳氣滿樓臺

二

瞳瞳初日照樓臺漠漠祥雲雉扇開星駐冕旒三殿曉雲  
翻珠翠六宮來山呼聖壽煙霞動風轉金章鳥獸迴欲識  
普恩無遠近萬方歡抃一聲雷

三年冬大禮五首

曹唐

皇帝齋心潔素誠自朝真祖報升平華山秋草多歸馬滄  
海寒波絕洗兵銀箭水殘河勢斷玉爐煙盡日華生千官  
整肅三天夜劔佩初聞入太清

二

海日西飛度禁林太清宮殿月沉沉不聞北斗傾堯酒空



覺南風入舜琴歌壓鈞天閣  
臺盡詔歸秋水道情深  
雪風更起古杉葉時送步  
虛清碧音

三

太一天壇隆大君屬車龍鶴  
夜成群春浮玉藻寒初落  
露拂金莖曙欲分三代樂  
迴風入律四隄歌駐水成  
文千官不動旌旗下日照  
南山萬樹雲

四

山擁飛雲海水清天壇未夕  
仗先成千官不起金滕議  
萬國空瞻玉藻聲禁火曙  
然煙焰裏宮衣寒拂雪花  
輕側聞左右皆周呂看取  
從容致太平

五

天利琴曠發南薰水濶風高  
得細聞滄海舉歌夔是相  
山迴禪舜爲君翠微呼處  
生丹障清淨封中起白雲  
今日病身慙小隱欲將泉  
石勒移文

昇平詞五首

二

瑞氣遊宮樓皇居上苑游  
遠岡連聖祚平地載神州  
會合兼重譯潺湲近八流  
中興豈假問據此自千秋

寥沉敞延英朝班立位橫  
宣傳無草動拜舞有衣聲  
駕凡霜消濕蟲絲日照明  
辛勤自不到遙見似前程

三

颯颯是歡心時康歲已深  
不同三尺劍應似五絃琴  
壽笑



山猶盡明嫌日有陰何當憐一物亦遺斷愁吟

四

日日聽歌謠區中盡祝堯蟲蝗初不害夷狄近全銷史筆  
唯書瑞天臺絕見妖因令匹夫志轉欲事清朝

五

五帝三皇主蕭曹魏邴臣文章唯返朴戈甲盡生塵諫紙  
應無用朝綱自有倫昇平不可記所見是閑人

朝元引四首

陳陶

帝燭燦煌下九天蓬萊宮曉玉爐煙無窮鸞鳳隨金母來  
賀薰風一萬年

二

王殿雲開露冕旒下方珠翠壓鰲頭天鷄唱罷雨  
曙春色先歸十二樓

三

萬寓靈梓擁帝居東華元老薦屠蘇龍蛇遙望非煙拜五  
色瞳朧在玉壺

四

寶祚河宮一向清龜魚天篆又分明近臣誰獻登封草五  
岳齊呼萬歲聲

聖帝擊壤歌四十聲

百六承堯緒艱難上運昌大虛橫慧字中野鬪豺狼帝曰  
更吾嗣時哉憶聖唐英星垂將校神微誕忠良鍊石醫元



氣屠蠶正昊蒼掃原鋪一德驅役立三光大道重蘇息真  
風再發揚芟夷踰舊跡神聖掩前王郊酒酣寥廓鴻恩受  
渺茫地圖龜負出天誥鳳銜將雜貢來山峙群夷入鴈行  
紫泥搜海岱鴻筆富巖廊鷹象敷宸極寰瀛作瑞坊泥丸  
封八表金鏡照中央構殿旗一作麟趾開藩表鳳翔鑿興  
親稼穡朱幌務靈桑戎羯輸天馬靈仙侍玉房宮儀水蒐  
甲門衛綠沉槍陶鑄超三古車書混萬方時巡望虞舜蒐  
狩法殷湯化合謳謠滿年豐鬼域藏政源歸牧馬公法付  
神羊寶鼎無靈應金甌肯破傷封山帶茂績祠執答嘉祥  
在昔宮闈僭仍罹拜浞殃此為何敵謂制大湯既勦首棘  
三靈怒桓偷九族亡鯨鯢尋掛網魑魅旋投荒松栢霜  
芝蘭露更香聖謨流祚遠仙系發源長島嶼征徃薄游  
瀾汎稻涼鳧魚饜喰啖荷薛足衣裳寤寐華胥國嬉遊太  
素鄉鴈鷗飛接翼忠孝住連牆有叟能調鼎無媒隱鈎璜  
乾坤資識量江海入文章野鶴思蓬闕山麋憶廟堂泥沙  
空淬礪星斗屢低昂歷草何因見衢罇豈暫忘終隨嘉橘  
賦霄漢謁羲皇

歲仗

羅鄴

玉帛朝元萬國來鷄人唱曉五門開春排北極迎仙馭日  
捧南山入壽杯歌舜薰風鏗劔佩祝堯佳象靄樓臺可憐  
四海車書共重見蕭曹佐漢材







露廣樂奏鈞天盈樽浮綠醕雅曲韻朱絃粵余君萬國還  
慙撫八埏庶幾保貞周屬求賢

宴中山九門宴雜詩

前人

驅馬出遼陽萬里轉旂常敵六奇舉臨戎八陣張斬鯨  
澄碧海卷霧掃扶桑昔去蘭綵翠今采桂染芳雲枝浮碎  
葉冰鏡上朝光廻首長安道方歡宴栢梁

奉和宴中山應制

許敬宗

飛雲旋碧海解網宥青丘養更停八駿觀風駐五牛張樂  
臨堯野揚塵歷舜州中山獻仙醕疑作醞趙媛發清謳塞門  
朱鴈入郊薺紫麟遊一舉氛霓靜千齡德化流

奉和天樞成宴夷夏群寮應制

李嶠

歌迹銘西弁勲庸紀北燕何如萬方會頌德九門前的  
臨黃道迢迢入紫煙仙盤正下露高柱欲承天山類叢雲  
起珠疑大火懸聲流塵作劫業固海成田帝澤傾堯酒宸  
歌掩舜絃欣逢下生日還觀上皇年

千秋節宴

唐玄宗

蘭殿千秋節稱名萬歲觴風傳率土慶日表繼天祥玉宇  
開花萼宮懸動會昌衣冠白鷺下帝幕翠雲長獻遺成新  
俗朝儀入舊章月銜花綬鏡露綴絲絲囊處馳祠田祖年  
年宴杖鄉深思德事小獲萬人康

奉和千秋節宴應制

張說

五德生王者千齡感聖人赤光來照夜黃雲上覆辰海懸



街恩久朝章獻壽新高帝坐出夾道家宮陳槩仗洗晴  
景磬管疑秋旻珠囊含瑞露金鏡抱遷輪何歲無鄉飲何  
田不報神薰歌與名節傳代幸群臣

皇帝降誕日集賢殿賜宴

前人

仲秋金帝起五日土行標瑞表壬寅露光傳甲子宵陰風  
吹大澤夢日照昌朝不獨華封老千年喜祝堯

集賢殿書院奉勅送學士張說上賜讌有序不錄

唐玄宗

廣學開書殿崇儒引席珍集賢昭集作來職論道命台臣  
禮樂沿今古文章華舊新獻酬列列賓主位班陳節變  
雲初夏時移氣尚春新稀光史冊千載仰茲辰

奉和聖製送赴集賢院賦得輝字

張說

侍帝金華講千齡道固稀位將賢士設書共學徒歸首命  
深燕隗通經淺漢帝列筵榮賜食送客貴儒衣賀鸞窺簷  
下遷鷺入殿飛欲知朝野慶文教日光輝

同前賦得迎字

源乾曜

盛業光書府微人盡國英司綸賢得相群俊學為名寵命  
垂天錫崇恩發睿情薰風清禁御文殿迷皇明日霽庭陰  
出池暝水氣生歡娛此無限詩酒自相迎

同前賦得昇字

裴灌

聞道圖書盛尊儒禮教興石渠因學廣金殿為賢昇日月  
恩光照淵雲寵命膺謀猷言可範舟楫事斯憑宴喜明時



冷光輝湛露凝大哉堯作主天下頌歌稱

同前賦得  
茲字

蘇頲

蕭肅金殿裏招賢固在茲鏘鏘石渠內序拜亦同時宴賜  
歡談道文成貴說詩用儒今作相敦學舊為師下濟天光  
近中來帝渥滋國朝良史載能事日論思

同前賦得  
西字

常抗

廣庭臨壁沼多士侍金闈英宰文儒叶明君日月齊集賢  
光首拜改賜發新題早夏初移律餘花尚拂蹊壺觴接雲  
上經術引闕西聖德鴻名遠將陪王檢泥

同前賦得  
迴字

程行誼

聖主崇文化鏘鏘得盛才相因歸夢立殿以集賢開象業  
微言闡詩書至道該堯搏承帝澤禹膳自天來禮洽歡

長風恬暑更迴國朝將舜頌同是一康哉

同前賦得  
虛字

徐堅

崇文德化洽新殿集賢初庸菲忝嘉選首濫承明廬殊私  
光輔弼榮送到簪裾座引中厨饌杯錫上樽餘翠葉濃冊  
苑晴空卷碧虛忝同文史地頌草登封書

同前賦得  
催字

李嵩

偃武堯風接崇文漢帝恢集賢更內殿清選自中台佐俞  
畱侯業詞華博物才昊天千品降夏日百壺催駕鳶方成  
列神仙喜躔陪復欣同拜首叨此頌良哉

同前賦得  
登字

蕭嵩

卷之八 蕭嵩



帝曰簡才能旌賢在股肱文章體一變禮樂道逾弘去閣  
英華入賓門鴛鴦登恩筵過所望聖澤實超恒夏葉開紅  
藥餘花發紫藤微臣亦何幸叨此預文明

同前賦得  
私字

李元紘

碩儒延鳳沼金馬被鴻私饌玉迥卅禁牋花降紫墀銜恩  
傾旨酒鼓舞詠康時覽觀群書緝逾昭盛業丕接筵欣有  
命擗管媿無詞自驚一何幸太陽還及葵

同前賦得  
暮字

賀知章

西學垂玄鑒東堂發聖暮天光燭武殿時宰集鴻都枯朽  
霜皇澤翺飛舞碧梧跡同遊汗漫榮是出集作  
拔汗塗三歎  
承湯鼎千歡接舜壺微軀不可答空欲詠依蒲

同前賦得  
今字

陸堅

聖主崇文教層霄降德音尊賢澤既厚式宴寵逾深復有  
夔龍相良哉簡帝心得人惟邁昔多士諒推今書殿榮光  
滿儒門喜氣臨顧惟誠濫次徒此接衣簪

同前賦得  
賓字

劉昇

圖書應明主策府宴嘉賓台曜臨東壁乾光自北辰網羅  
窮象繫述作究天人聖酒千鍾洽仙厨百品陳成山徒可  
仰涉海詎知津幸逢文雅盛還覩頌聲新

同前賦得  
風字

褚琇

講習延東觀趨陪盛北宮惟師恢帝則敷教叶天工宣室  
恩嘗具金華禮更崇洞門清未日華綏接微風蓮降堯厨



翠榴開舜酒紅文思光萬宇高議待升中

同前賦得

王翰

東堂起集賢貴得從神仙首命台階老將崇御府員送人  
將玉佩中使拂瓊筵和樂春風解湛恩時雨連長材成磊  
落短翮強翻羽徒仰蓬萊峻何階不讓緣

同前賦得

趙冬曦

淺術方觀海恩深忽見天學開丹殿籍名與石渠賢良輔  
膺休命微生謬採甄春餘仍哢鳥夏近未舒蓮牋札來宸  
禁衣冠集詔筵史臣知醉德欲記升平年

同前賦得

常述

脩文中禁磬改物令名加台座徵人傑書坊應國華賦詩

廣宴賜酒酌流霞雲散明金闕池開照玉沙掖垣置宿  
鳥温樹落餘花謬此天光及銜思醉日斜

左丞相說右丞相舉太子少傅乾曜同日上官命

宴都堂賜詩一首

唐玄宗

赤帝收三傑黃軒舉二臣由來丞相重分掌國之均我有  
握中璧雙飛席上玳子房推道要仲子訝風神復輟台衡  
老將為調護人鴛鸞同拜日車騎擁行塵樂聚南宮宴觴  
連北斗醇俾予成百揆垂拱問彞倫

奉和御製說瓊乾曜同日上官命宴都堂賜詩一

首應製

張說

大塊鎔群品輕土偶聖時猥承三事命虛忝百僚師右揆



謀華碩前星轉重資連騫求舊禮濫玷樂賢詩賜金同榮  
拜從金宴宰司菊花吹御酒蘭葉捧天詞寶曆休明盛頽  
年晷漏衰少留青史筆未敢赤松期

同前

宋璟

丞相邦之重非賢諒不居老臣庸且憊何德以當諸厚秩  
先爲忝崇班復此除太常陳禮樂中掖降簪裾聖酒江河  
潤仙文象緯舒冒恩懷寵錫陳力省空虛郭隗慙無駿馮  
諛愧有魚不知周勃者榮幸定何如

同前

源乾曜

睿作超千古湛恩育萬人  
遞遷齊荷澤同拜忽爲隣  
適洽音徽暢芳馳景命新  
鼓鍾重享禮鴛鴦集朝倫  
竊位恩當謫州容謝木春  
慙多無以叙拙實固難陳  
進級懷三少光蓋百身自  
當歸第日何幸列宮臣

同前

蕭嵩

審官思共理多士屬誰當  
歷選台庭舊來熙帝業昌  
入朝師百辟論道協三光  
垂拱咨元老親賢輔少陽  
登崇祭禮送寵德曜宸章  
御酒飛觴洽仙闈雅樂張  
荷恩思有報陳力愧無良  
願罄忠公節同心奉我皇

同前

裴光庭

樂賢聞往誥褒德偶茲辰  
端揆昇元老師謀擇累仁  
紫庭崇讓畢粉署禮容陳  
既荷恩榮舊俱承寵命新  
天文懸瑞色聖酒泛華茵  
雜遝喧簫鼓歡娛洽縉紳  
掖垣招近侍虛



薄圃清鹿共保堅貞節常期雨露均

同前

宇文融

申甫生周日宜慈舉舜年何如偶昌運比德邁前賢寵護  
元良密榮瞻瑞端揆遷職優三事老位在百僚先北極迴宸  
渥南宮飾宴筵飛文璠札降賜酒玉杯傳謬列台衡重俱  
承雨露偏誓將同竭力相與効塵涓

書殿賜宴應製

徐安貞

校文常近日賜宴忽昇天酒正傳杯至獲人捧案前五階  
鳴溜水清閣引歸煙共惜芸香暮春風幾萬年

奉和賜史供奉曲江宴應製

王維

行從有鄒枚瓊筵就水開言陪栢梁宴新自建章來對酒

山河滿移舟草樹迴天文同麗日駐景惜行盃

麗正殿賜宴同勒天前烟年應製

王灣

金殿忝陪賢瓊蓋忽降天鼎羅仙掖裏觴拜鑠闈前院逼  
青霄路厨和紫禁煙酒空歡抃舞何以答昌年

麟德殿宴百僚

唐德宗

憂勤承聖緒開泰喜時康恭已臨群后垂衣御八荒務閑  
春向日疑朝罷日猶長紫殿初筵列彤庭廣樂張成功歸  
輔弼致理賴忠良共此歡娛事千秋樂未央

奉和麟德殿宴百僚應製

盧綸

雲關御筵張山呼聖壽長玉欄豐瑞草金陛立神羊台鼎  
資扈膳天星奉酒漿蠻夷陪作位犀象舞成行網已祛三



面歌因守四方千秋不可極花發滿宮香

同前

宋若昭

垂衣臨八極肅睦四門雍自是無為化非關輔弼功脩文  
昭隱伏尚武殄妖克德立韶光被恩霑雨露濃衣冠陪御  
宴禮樂盛朝宗萬代稱觴舉千年信一同

同前

女郎鮑徵君子文姬

睿澤光寰海功成展武韶戈鋌清外壘疑文物盛中朝聖  
祚山河固宸章日月昭王筵鸞殿疑集仙管鳳凰調御柳  
低新綠宮鸞乍轉嬌碩將億兆慶千祀奉神堯

奉和四月三日上陽宮賜宴應製

孫逖

今日逢初夏歡遊續舊旬氣和先作雨恩厚別成春風吹

清洛龍輿下紫宸此中歌在藻還見躍潛鱗

春曉宴兩相及禮官麗正殿學士探得風字

唐玄宗

乾道運無窮恒將人代工陰陽調曆象禮樂報玄穹介冑  
清荒外衣冠佐域中言談延國輔詞賦引文雄野霽伊川  
綵郊明鞏樹紅冕旒多暇景詩酒會春風

奉和御製得開

張說

聖政惟稽古賓門引上才坊因購書立殿為集賢開旄彥  
星辰下仙草日月迴字如龍負出韻是鳳銜來庭柳餘春  
駐宮櫻早夏催喜承芸閣宴幸捧柏梁杯

端午三殿宴群臣探得神字 唐玄宗



五月符天數五音調夏鈞舊來傳五日無事不稱神穴枕  
通靈氣長絲命續人四騎花競巧九子粽爭新方殿臨華  
飾圓冠宴雅臣進對一言重道文六義陳股肱良足詠風  
化可還淳

端午日三殿侍宴得魚字應製 張說

小暑夏該應徵陰商當切頌齋長命縷來續大恩餘三殿  
褰珠箔群官上王除助物嘗黍粳順節進龜魚甘露垂天  
酒芝花捧御書含丹同 蛭灰骨慕蟾蜍今日傷蛇意銜  
珠遂闕如

恩勅賜食於麗 殿書院宴應制 張說

東壁圖書府西岷翰墨山 詞詩聞國政講易見天心

春重恩叨醉酒深緩 春興曲情竭為和音

### 酺宴

奉和上元酺宴 應詔 楊炯

甲乙遇災年周隨迭上絃祆星六丈出沴氣七重 赤縣  
空無主蒼生欲問天龜龍開寶命雲火昭靈慶萬物覩真  
人千秋逢聖政祖宗文澤遠文武休光盛大號域中平皇  
威天下驚參辰昭文物宇宙浹聲明漢后三章令周王五  
代兵刃奴窮地角本字 遠正朔驕子起天街由来虧禮  
樂一衣掃風雨再戰夷屯剝清明日月旦蕭索煙雲渙寒  
暑既平分陰陽復貞觀惟神諾妙物乃聖符幽贊下武發  
微祥平階屬會昌金泥封日觀壁水匝明堂業盛勛華德



興包天地尾孝思義罔極易禮光前式天渙費三辰輝靈  
書五雲色敬時窮發欽卜代盈千億五緯聚華軒光重入  
望國公卿論至道天子拜昌言雷解初開出星空即便元  
瑤臺涼景薦銀闕秋陰遍百戲聘魚龍千門壯宮殿深仁  
洽蠻徼愷樂周寰縣宣室召群臣明庭禮百神仰德還符  
日霑恩更似春袞城非牧豎楚國有巴人

洛城觀酺宴應制

陳子昂

聖人信恭已天命允昭回蒼極神功被青雲祕籙開壽衣  
受金冊張樂宴瑤臺雲鳳休微滿魚龍雜戲來崇恩喻五  
日惠澤暢三才玉帛群臣辭徽章樽禮該方覩升中禋享  
觀拜洛迴微臣固多幸敢上萬年杯

廣達樓下夜侍酺宴應制

蘇頌

東岳封廻宴洛京西墉通晚會公卿樓臺絕勝宜春苑  
火還同不夜城正覩人間朝市樂忽聞天上管絃聲酺來  
萬舞群臣醉喜戴千年聖主明

奉和登封禪禮畢洛陽酺宴應制

張九齡

大君畢能事端宸樂成功運與千齡合歡將萬國同漢酺  
歌聖酒韶樂舞薰風河洛榮光遍雲煙喜氣通春花頰覺  
早天澤倍知崇草木皆霑被猶言不在躬

奉和十五夜燃燈繼以酺宴之作應制

王維

上路笙歌滿春城刻漏長遊人多晝日明月讓燈光魚鑰  
通翔鳳輿出建章九衢陳廣樂百福透名香仙集作妓



乘金殿都人遶玉堂止應集作偷艷舞從此學新粧奉引  
迎三事司儀立萬方願將天地壽同以獻君王

夏月花萼樓酬宴應制 王昌齡

土德三元正堯心一國同汾陰備冬禮長樂宴和風賜慶  
垂天澤流歡舊渚宮樓臺生海上簫鼓出天中霧曉筵初  
接宵長曲未終雨隨行幕合月影舞羅空玉陛分朝列文  
章發聖聰愚臣忝書賦歌詠頌絲桐

文苑英華卷第一百六十八

文苑英華卷第一百六十九 詩十九

應制二

侍宴七十二首

侍宴樂遊苑餞徐州刺史應詔 梁丘遲

詰且閭闔開馳道聞鳳吹輕花承玉輦細草籍龍騎風遲  
山尚響雨息雲猶積巢空初鳥飛荇亂新魚戲宴惟北門  
重匪親孰為寄參差別念舉蕭穆恩波被小臣信多幸捐  
生豈酬義

侍宴謝朓宅 類聚有 餞字 東歸應制 沈約

皇情帳東舳羽旆拂南屜夏雲清朝景秋風揚早蟬飲和  
陪下席論道光上筵



侍宴樂遊苑餞呂僧珍應詔

前人

丹浦非樂戰負重切君臨我皇蘊至德恭一作已用堯心

愍茲區宇內魚鳥失飛沉推轂二嶠道揚旆九河陰超乘

盡三屬選士皆百金戎車出細柳餞席遵上林興師誅後

服授律緩前禽亟轅方解帶驍武已按襟伐罪芒山曲吊

民伊水潯將陪告成禮待此未抽簪

侍宴餞臨川王北伐應詔

王筠

金版韜英玉牒蘊精帝德乃武王威有征軒習弧矢夏陳

千戚周鷺戎車漢馳羽檄我皇駿聖千年踵武德洞千門

威加八柱金正圯德水行失道駟馬南牧戎徒西保荐食

伊瀍整居豐鎬金闕一作楊塵銅臺一作革命彼膳夫受詔

律樂賦出車弦操別日玉饌駢羅瓊漿泛溢聖德澤

資儀秩秩

侍宴餞庾於陵應詔

劉孝綽

皇心眷將遠帳餞靈芝側是日青春獻林塘多秀色芳卉

疑綸緝嘉栢似雕飾遊絲綴鶯領光風翔綺翼下輦朝旣

盈番宴景將昇高談競辨端奇文爭筆力伊臣獨無伎何

用奉歎息

侍宴餞張惠紹應詔

前人

滄池誠自廣蓬山一何峻麗景花上鮮油雲葉裏潤風度

餘芳滿鳥集新條振餞言班俊造光寵私輜恡徒然謬反

隅何以窺重任



侍宴二首

前人

清宴延多士，鴻私濫微薄。臨炎出蕙樓，望辰躋菌閣。上征  
切雲漢，悅眺周京洛。城寺鬱參差，街衢紛漠漠。禁林寒日  
晚，方秋未搖落。皇心重發志，賦詩追並作。自昔承天寵，於  
茲被人爵。選言非綺綃，何以儼金鑊。

二

茲堂乃峭嶠，伏檻臨曲池。樹中望流水，竹裏見攢枝。攔高  
景難蔽，岫隱雲易垂。避迥逢休幸，朱躡曳青規。丘山不可  
答，葵藿空自知。

侍宴景陽樓

王僧孺

金鋪燦可鏡，桂棟儼臨雲。沾觴均飲德，服道驗朝聞。詎論  
無間非耻堯，爲君小臣亦何者。短翮屢追羣。

侍宴二首

前人

麗景燭春餘，清陰澄夏首。交枝隱修逕，迴流映遙阜。徒惟  
輾輕筠，移鑿拂高柳。去矣勞茂績，勉哉報嘉誘。小臣良不  
才，消塵愧所守。何用勝雕斲，譬木良如朽。

二

迴鑿避暑宮，下輦迎風館。眇漫御煙轉，霏微商雲散。蔓草  
亘巖垂，高枝起天半。迴風稍驚水，落光漸斜岸。妙舞駐行  
雲，清歌入層漢。醉顏暢有懌，德音良已繁。

御幸樂遊苑侍宴

張正見

大君臨四表，榮光普八埏。區中文化洽，海外武功宣。鳳下



書冊篆龜符著綠編昆明不習戰雲臺豈遊政軌文通萬  
國旗節靖三邊高秋藐姑射霄想屬汾川西宮明合璧雙  
闕帶非煙揚鑿出城觀詔蹕指郊壘禁苑迴雕輦離宮建  
翠旒流水犇雷轂追風赴電鞭畫熊飄折羽金埒響膠絃  
鳴玉升文砌稱觴溢綺筵獸舞依鍾石鸞歌應管絃霞明  
黃鵠路風爽白雲天潦收荷蓋折露重菊花鮮上林賓早  
鴈長楊唱晚蟬小臣慙藝業擊壤慕懷鉛康衢飛駛羽大  
海滴微涓詠歌還集木舞蹈遂臨泉願薦南山壽明明奉  
萬年

九日侍宴樂遊苑應制

見一百七十三卷

庾肩吾

入隋侍宴應詔

陳後主

月光天德山河壯帝居太平無以報願上東方書

侍宴玄武觀

江總

詰曉三春暮新雨百花朝星官移渡罕天駟動行鑣旒轉  
蒼龍闕塵飛飲馬橋翠觀迎斜照丹樓望落潮鳥聲雲裏  
出樹影浪中搖歌吟奉天詠未必待聞韶

秋日侍宴婁湖苑應詔

前人

翠者還鸞輅瑤池命羽觴千門響雲蹕四澤動榮光玉軸  
昆池浪金舟太掖張虹旗照島嶼鳳蓋繞林塘野靜重陰  
閣淮秋水氣涼霧開樓闕近日迴煙波長洛宴諒斯在鎬  
飲詎能方朽劣叨榮遇簪笏奉同行

侍宴汝州宮賦應制得情字

許敬宗



三星希曙景萬騎翊天行  
葆羽翻風隊騰吹掩山楹  
暖日晨光淺飛煙旦彩輕  
塞寒桃變色冰斷箭流聲  
漸奏長安道神臯動睿情

侍宴應詔得前字

虞世南

芬芳禁林晚容與桂舟前  
橫空一鳥度照水百花燃  
綠野明斜日青山澹晚煙  
濫得陪終宴握管類窺天

侍宴歸鴈堂

前人

歌堂面綠水舞館接金塘  
竹開霜後翠梅動雪前香  
鳥歸初可侶鴈起欲分行  
刷羽同棲集懷恩愧稻粱

侍宴北門

杜正倫

天君端袞暇睿賞狎林泉  
開軒臨禁籞籍野列芳筵

歌管颺容裔羽旗懸玉池  
流若醴雲閣聚非煙湛露  
晞日薰風入舜絃大德侔  
玄造微物荷陶甄謬陪瑤  
水宴仍厠栢梁篇關名徒  
上月鄒辨詎談天既喜光  
華旦還傷蓬暮年猶冀升  
中日簪裾奉肅然

正夜侍宴應詔

薛曜

重關鍾漏通夕敞鳳凰宮  
雙闕祥煙裏千門明月中  
酒杯浮湛露歌曲唱流風  
侍臣咸醉止恒慙恩遇崇

侍宴銀潢宮應制

魏元忠

別殿秋雲上離宮夏景移  
寒風生玉樹涼氣下瑤池  
墜花仍吐葉巖木尚抽枝  
願奉南山壽千秋長若斯

蓬萊三殿侍宴奉勅詠終南山應制

杜審言



北斗挂城邊南山倚殿前雲標金闕迥樹杪玉堂懸半嶺  
通佳氣中峯繞瑞烟小臣持獻壽長此戴高天

初春行宮曲宴應制得天字  
蘇味道

溫液吐涓涓跳波急應絃簪裾承睿賞花柳發韶年聖酒  
千鍾洽宸章七曜懸微臣從此醉還似夢鈞天

奉和宴小山池賦得谿字應制  
武三思

年光開碧沼雲色斂青谿凍解魚方戲風喧鳥欲啼巖泉  
飛野鶴石鏡舞山雞柳發龍鱗上松新塵尾齊九韶從此

驗三月定應迷

疑碧池侍宴應制得出水槎  
前人

彼木生何代為槎復幾年欲乘銀漢曲先泛玉池邊誰

疑碧池侍宴看競渡應制  
李懷遠

上苑清鑿路高居重豫遊前對芙蓉沼傍臨杜若洲地如  
玄扈望波似洞庭秋列筵飛翠傘分曹戲鸕舟湍高棹影

沒岸近傍歌道舞曲依鸞殿簫聲下鳳樓忽逢天上樂疑  
逐海查流

侍宴旋師喜捷應制  
韋安石

蜂蟻屯夷落熊羆逐漢飛忘驅百戰後屈指一年歸厚眷  
紆天藻深慈解御衣與酣歌舞出朝野曠光輝

梁王宅侍宴應制  
前人

梁園開勝景軒駕動宸衷早荷承湛露修竹引薰風九醞



傾鍾石百獸協絲桐小臣陪宴鎬獻壽奉維嵩

同前

張說

梁王池館好晚日鳳樓通竹町羅千衛蘭筵降兩宮清歌  
芳樹下妙舞落花中臣學延州聽還知大國風

過太平公主山亭侍宴

張昌宗

淮南有小山羸女隱其間折桂芙蓉浦吹簫明月灣扇掩  
將鷄曲釵承墮馬鬟歡情本無限莫掩洛城關

泛舟侍宴應制

張易之

平明出御溝解纜坐廻舟晨綠水澄明月紅羅結綺樓絃  
歌爭浦入冠蓋逐川流白魚臣作伴相對舞王舟

公主南宅侍宴應制

前人

賞平陽地鳴茄上苑東烏吟千戶竹蝶舞百花叢

小山桂共掛大王風坐客無勞起奏籥曲未終

與慶池侍宴應制

蘇瓌

金闕平明宿霧收瑤池式宴俯清流瑞鳳飛來隨帝輦祥  
魚出戲躍王舟帷齊綠樹當筵密蓋轉細荷接岸浮如臨  
竊比微臣懼若濟叨陪聖主遊

立春日侍宴內出剪綵花應制 李嶠

幸聞年欲至剪綵學芳辰綴綺能似景裁紅巧逼真花從  
篋裏發葉向手中春不與韶光競何名天上人

同前

趙彦昭

剪綵迎初候攀條故馮真花隨紅意發葉就綠情新嫩色



驚街鶯輕香誤採人應爲薰風拂能令芳樹春

同前

沈佺期

合殿春應早開箱絲預知花迎宸翰發葉侍御筵披梅訝  
香全少桃驚色頓移輕生承剪拂長伴萬年枝

同前

宋之問

金閣裝新杏暖筵弄綺梅人間都未識天上忽先開蝶繞  
香絲住蜂憐艷粉廻今年春色早應爲剪刀催

同前

劉憲

上林春館披春光獨早知剪花疑始發刻鶯似新窺色淡  
輕雪點香淺嫩風吹此日叨陪侍恩榮慙數枝

同前

昭容上官氏

寒葉因裁吐新花逐剪舒攀條雖不謬摘葉詎知虛  
由來發秋還未肯疎借問桃將李相亂欲何如

同前

蘇頌

曉入宜春苑穠芳吐禁中剪刀因裂素粧粉爲開紅彩異  
驚流雪香饒點便風裁成識天意萬物與花同

春日侍宴幸芙蓉園應制

李嶠

年光竹裏遍春色杏間遙煙氣籠青閣流文蕩畫橋飛花  
隨蝶舞艷曲伴鶯嬌今日陪歡豫還疑陟紫霄

同前

蘇頌

御道紅旗出芳園翠輦遊繞花開水殿架竹起山樓荷葉  
輕薰怪魚龍出負舟寧如穆天子空賦白雲秋



同前

李义

水殿臨丹藥山樓繞翠微昔遊人託乘今幸帝垂衣澗篠  
緣峯合巖花逗浦飛朝來江曲地無處不光輝

同前

宋之問

芙蓉秦地沼盧橘漢家園谷轉斜盤徑江廻曲遶源風來  
花自舞春入鳥能言侍宴瑤池夕歸途笳吹繁

三日禁園侍宴

沈佺期

九重馳道出上巳楔堂開畫鵝中川動青龍上苑來野花  
飄御座河柳拂天杯日晚迎祥處笙鏞下帝臺

九日侍宴應制得長字

此詩見一百七十三卷九日門

蘇頌

奉和

一無此二字

九日侍宴應制得時字

蘇頌

長日高遊順動時曉光雲半洗晴色雨餘滋

得奉  
私恩

因韶德吹花入御詞願陪陽節億萬九秋期

一作微臣  
復何幸長

此詩一作見歲時雜詠是應制原本後編詩集八

句皆改

中宗降誕日長定公主滿月侍宴應制 李嶠

神龍見像日仙鳳養雛年大火乘天正明珠對月圓祚  
金篋裏歌奏玉筐前今日宜孫慶還參祝壽篇

同前

鄭愔

春殿荷蘭美仙階栢樹榮地逢方節應時觀聖人生月滿  
增祥茂天長發瑞靈南山遙可獻常願奉皇明



歲夜安樂公主滿月侍宴應制 沈佺期

除夜子星迴天孫滿月盃詠歌麟趾合會管鳳雛來歲氣

常然桂春盤預折梅聖皇千萬壽垂曉御明臺

七言侍宴挑花園詠桃花應制 李嶠

歲去無言忽顛領時來含笑吐氛氳不能擁路迷仙客故

欲開蹊待聖君

同前 趙彥昭

紅萼競妍春苑曙粉茸新向御筵開長年願奉西王宴近

侍慙無東朔才

同前 徐彥伯

源水叢花無數開丹跗紅萼開青梅從今結子三千歲

仙遊復再來

同前 李义

綺萼成蹊遍苑芳紅英撲地滿筵香莫將秋宴傳王母來

比春華望聖皇

同前 蘇頲

桃花灼灼有光輝無數成蹊點更飛為見芳林含笑待遂

同温樹不言歸

宿羽亭侍宴應制 見一百七十五 杜審言

白蓮花亭侍宴應制 沈佺期

九日一作月陪天伏三秋幸禁林霜威變綠嶼雲氣落青岑

水殿黃花合山亭絳葉深朱旗夾小徑寶馬駐青罽苑吏



收寒菓養人膳野禽承權不覺寢遙響素秋砧

仙萼亭初成侍宴應制

前人

山中氣色和宸賞第中過輦路披仙掌惟宮拂帝籬泉臨香澗落峯入翠雲多無異登玄圃東南望白河

仙萼池亭侍宴應制

前人

步輦尋丹障行宮在翠微川長看鳥城谷轉聽猿稀天磴扶階迥雲泉透戶飛閑花開石竹幽葉吐薔薇徑狹難留

騎亭寒欲進衣白龜表

疑作來

獻壽仙吹返彤闈

嵩山石淙侍宴應制

前人

金輿旦下綠雲衢彩殿晴臨碧澗隅溪水冷冷逐行漏山煙片片引香爐仙人六膳調神鼎玉女三漿捧帝壺白

外陽紆道駕無如太室覽真圖

三陽宮石淙侍宴應制

宋之問

離宮秘苑勝瀛洲別有仙人洞壑幽崑崙樹色含風冷石上泉聲帶雨秋鳥向歌筵來是曲雲依帳殿結為樓微臣昔忝方明御今日還陪八駿遊

麟趾殿侍宴應制

前人

北闕層城峻西宮複道懸乘輿歷萬戶置酒望三川花柳含丹日山河入綺筵欲知陪賞處空外有飛煙

上陽宮侍宴應制得林字

前人

廣樂張前殿重裘感聖心砌萸霜月盡庭樹雪雲深舊幄驂宸御慈恩忝翰林微臣一何幸再得聽瑤琴



侍宴應制

喬知之

紫禁肅晴氛朱城落曉雲  
豫游龍駕轉天樂鳳簫聞竹外  
仙亭出花間輦路分微臣一  
何幸詞賦奉明君

奉和幸上陽宮侍宴應制

紫庭金鳳闕丹禁玉雞川似  
立蓬瀛上疑遊崑閬前鳥將  
歌合轉花共錦爭鮮湛露飛  
堯酒薰風入舜絃水光搖落  
日樹色帶晴煙向夕迴瑁輦  
佳氣滿巖泉

黎園亭子侍宴

喬知之

陌上發香輦禁中遊草綠  
鴛鴦殿花紅翡翠樓天盃  
承露酌仙管雜風流今日陪  
歡豫皇恩不可酬

守歲侍宴應制

杜審言

冬除夜接新年帝子王孫  
捧御筵宮闕星河低拂樹  
燈燭上薰天彈絲奏管梅風  
入對局探釣栢酒傳欲向  
元正歌萬壽斝晉歡賞寄春  
前

故洛陽城侍宴

姚元崇

遊豫停仙躡登臨對晚晴川  
鳥連倒影巖鳥應虛聲野奏  
風城曲山居雲作纓今朝丘  
壑上高興小蓬瀛

春日洛陽城侍宴

前人

南山開寶曆北渚對芳蹊的  
歷風梅度參差露草低堯樽  
臨上席舜樂下前溪任重由  
來醉乘酣志轉迷

侍宴曲

賈

雲陛褰珠宸丹墀覆綠楊隔  
簾粧隱映向席舞低昂鳴



佩長廊靜開冰質殿涼歡餘劍履散同輦入昭陽

醉中侍宴應制

李白

柳色黃金嫩梨花白雪香玉樓巢翡翠珠殿鎖鴛鴦選妓  
隨雕輦微歌出洞房宮中誰第一飛鷲在昭陽

又范英華卷第一百六十九

范英華卷第一百七十 詩二十

應制三 巡幸

遊方山二首 至老子廟一首

臨渭源二首 渡淮五首

還京二首 巡遊二首

幸晉陽一首 初發東都一首

幸江都二首 臨洛水四首

塗經濮濟二首 春日望海三首

重幸武功一首 過溫湯五首

經破薛舉戰地二首 入潼關二首

秋風函谷應詔一首 山高頂寓目九首



幸新豐溫泉宮二首

途經華岳四首

早渡蒲津關四首

侍遊方山應制

梁沈約

清漢夜昭晷扶柅曉陸離  
發吹重陽下建羽朝夕池  
撻金浮水若聳蹕詔山祇一  
霑九霄露藜藿終自知

從駕遊山

北齊袁爽

從天響仙轔春望動神衷  
澗水含初溜山花發早叢  
玉輿明淑景珠旗轉瑞風  
平原與上路佳氣遠葱葱

至老子廟應詔

庾信

虛無推馭辯廖廓本乘蜺  
三門臨苦縣九井對靈溪  
成丹湏竹節量藥用刀圭  
石似臨邛芋芝如封禪泥  
髦毛新

小盤根古樹低野戍孤煙起  
春山百鳥啼路有三千別

經七聖迷唯當別關吏直向流沙西

臨渭源

隋煬帝

西征乃屆此山路亦悠悠  
地幹紀靈異同穴吐洪流  
濫觴何足擬浮槎難可儔  
驚波鳴澗石澄岸瀉巖樓  
滔滔下秋

森森肆神州長林笑白獸  
雲逕想青牛風掃花葉散  
日煙霧收直為求人隱非  
窮轍迹遊

奉和臨渭源應詔

薛道衡

玄功復禹迹至德去湯羅  
玉關亭障遠金方水石多  
八川茲一態萬里導長波  
驚流注陸海激浪還天河  
鸞旗歷巖谷龍穴暫經過  
西老陪遊宴南風起詠歌  
庶品蒙仁澤生



靈沐太和微臣惜暮景願駐魯陽戈

早渡淮

隋煬帝

平淮既森森曉露復霏霏淮甸未分色決滂共晨暉晴霧  
轉孤嶼錦帆出長圻潮魚時躍浪沙禽鳴欲飛會待高秋  
晚愁因近水歸

奉和出穎至淮應制

涉穎倦紆迴浮淮欣迥直遙村含水氣遠浦澄天色靈濤  
稍欲近仙巖行可識玄覽屬脣辭風雲有餘力

同前

蔡允恭

久倦川涂曲忽此望淮圻波長泛森森眺回情依依稍覺  
鳥轉漸見錦帆稀欲知仁化洽詠歌蒲路歸

同前

弘執恭

睿情欣逸賞臨泛入淮淝棹聲喧岸度帆影出雲飛清波  
含日彩奔浪蕩霞輝還如漳水曲鳴笳啓路歸

同前

虞世南

良晨喜利涉解纜入淮潯寒流泛鷁首霜吹響哀吟潛鱗  
波裏躍水鳥浪前沉邦溝非復遠帳望悅宸襟

還京師

隋煬帝

東都儀禮舉西京冠蓋歸是月春之季花柳相依依雲蹕  
清馳道雕輦御晨暉寥亮饒笳奏葳蕤旌旆飛後乘趨文  
雅前驅厲武威

從駕還京

李德林



至仁文教遠惟聖武功宣太師觀六儀諸侯問百年玄覽  
時乘隙訓旅次山川鎮象屯休氣華蓋翼飛煙鼓奏千人  
響旗動七星連峻嶺又廻日高原馬煦天姑射神遊罷蕭  
關獵騎旋更待東山上看君巡狩篇

從駕巡遊

前人

大夏堯遺俗汾河漢豫遊今隨龍駕往還屬鴈飛秋天行  
肅輦路日馭翼華輶朝乘六氣辯夕動七星旒容靜禽多  
思風高松易秋遠林才有色遙水漫無流京華佳麗所目  
極與雲浮但覩凌霄觀詎見望仙樓璣門皆秀發鴛池盡  
覺優侍君草封禪東山觀射牛

從駕天池應詔

薛道衡

上聖家寰寓威畧振邊陲八維窮眺覽千里轉旌旗  
臨碧海控驥踐瑤池曲浦騰煙霧深浪駭鯨螭

從駕幸晉陽

前人

省方遵往冊遊豫叶前經金吾朝戒道校尉晚巡營重巖  
下飛騎絕浦渡連旌澗水寒逾咽松風遠更清方觀翠華  
反簪筆上雲亭

初發東都應詔

庾自直

三龍乘玉軸萬綺翊林岵縱觀此何事巡駕幸維揚伊雒  
山川轉江湖道路長昭日秋源淨分花曲水香稻梁叨歲  
月羽翮仰恩光後塵歸駕里還如仙鶴翔

奉和幸江都應詔

虞茂



巡幸光帝典征吉乃先天洋國翔宸駕水府泛樓船七萃  
長榮薄三翼亘通川夙興大昕始求衣昧早前澄瀾浮曉  
色遙林卷宿煙晨霞稍含景落日漸虧弦迴塘響歌吹極  
浦望旌旗方陪觀東后登封禪肅然  
同前  
虞世南  
南國行周化稽山秘夏圖一日王豈殊軌千載叶前謨肆觀  
遵時豫順動悅來蘇安流浮玉軸戒道奠金吾龍旗煥辰  
象鳳吹溢川塗封唐昔敷錫分陝被荆吳沐道成知讓遵  
儀允美都冬律初飛管陽鴈正銜蘆巖鷗肅林薄愛景落  
江湖鳴秋浹幽遠厚澤潤凋枯虞琴起歌詠漢筑動巴歛  
多幸沾行蒿無庸類散樗

臨洛水

唐太宗

春蒐馳駿骨惣轡俯長河霞處流雲錦  
前濼卷羅水花  
翻照樹堤蘭倒挿波豈必汾陰山秋雲  
釋歌

奉和受圖溫洛

蘇味道

綠綺膺河檢青壇俯洛濱天旋俄制蹕  
享屬嚴裡陟配  
光三祖懷柔洎百神霧開中道日雲歛  
羣車塵預奉咸英  
奏長歌億萬春

同前

平鳳及

八神承玉輦六羽警瑤溪戒道伊川北  
通旌澗水西御圖  
開洛匱刻石與天齊瑞日波中上仙禽  
霧裏低微臣矯弱  
翻林舞接鸞鷲



奉和拜洛

李嶠

七萃鑿輿動千年瑞檢開文如龜  
出圖似鳳銜來殷薦  
三神享明祠萬國陪周旗黃鳥集  
漢庭紫雲迴日暮鈎陳  
轉清歌上帝臺

奉和展禮岱宗塗經濮濟

蕭楚材

拂漢星旗轉分宵日羽明將追會  
阜跡更勒岱宗銘林戈  
明濟岸獸鼓震河庭葉箭凌寒矯  
烏弓望曉驚已降汾水  
作仍深迎渭情

同前

薛堯構

龍圖冠胥陸鳳駕指云亭非烟泛  
濟浦綠宇啓河汀畫常  
晨應月文戟曙分星四海巡揖禮  
三驅道契經行欣奉

奉和拜偶千齡

春日望海

唐太宗

披襟眺滄海憑軾翫春芳積流橫  
地紀疏派引天潢仙氣  
凝三嶺和風扇八荒拂潮雲布色  
穿浪日舒光照岸花分  
彩迷雲鴈斷行懷卑運深廣持蒲  
守靈長有形非易測無  
源詎可量洪濤經變野翠島屢成  
桑之杳思漢帝碣石想  
秦皇霓裳非本意端拱且圖王

奉和同前

楊師道

春山臨渤海征旅綬晨裝迴瞰盧  
龍塞斜瞻肅慎鄉洪波  
迴地軸孤嶼映雲光落日驚濤上  
浮天駭浪長仙臺隱  
鷲才府泛靄梁碣石朝煙滅之杳  
歸鴈翔北巡非漢后



幸異秦皇奉旌羽林客  
跋距少年場龍擊驅遼水  
鵬飛  
事方將舉青丘繳安訪  
白霓裳

同前

許敬宗

韓夷憊奉書憑險亂天常  
乃神弘廟略橫海剪吞航  
電濤清玄菟騰笳振白狼  
連雲飛巨艦編石架浮梁  
周遊臨大壑降望極遐荒  
桃門通山林蓬渚降霓裳  
驚濤含蜃闕浪掩晨光  
青丘絢春組丹谷耀華桑  
長驅七萃卒成功百戰場  
俄且旋戎路飲至肅巖廊

重幸武功

唐太宗

代馬依朔吹驚禽愁昔藜  
况茲承睿德懷舊感深衷  
積善欣餘慶暢武悅神功  
垂衣天下治端拱重書同  
白水巡

丹陵幸舊宮列筵歡故老  
高宴聚新豐駐驂撫田  
興訪牧童瑞氣縈丹闕  
祥煙散碧空孤嶼含霜白  
遙山帶日紅於馬歡繫筇  
聊以詠南風

過温湯

前人

温渚亭仙蹕豐郊駐曉旌  
路曲迴輪影巖虛傳漏聲  
暖溜驚湍駛寒空碧霧輕  
林黃疎葉下野白曙霜明  
眺聽良無已煙霞斷續生

奉和同前

越王真

鳳輦騰宸駕驪蕪次乾遊  
坎德踈温液山隈汎暖流  
寒氛空外擁蒸氣沼中浮  
林雕帷影散雲欽蓋陰收  
霜郊暢玄覽參差落景道



同前

握圖開萬寓屬聖啓千年驪阜疏緹綺驚鳴映綵旃玉霜  
明鳳野金陣藻龍川祥煙聚危岫熊水溢飛泉停輿與  
覽還舉大風篇

同前

楊思玄

豐城觀漢迹温谷幸秦餘地接幽王壘塗分鄭國渠風威  
肅文衛月彩鏡彫輿遠岫凝氛重寒松對影踈迴瞻漢章  
闕佳氣蒲宸居

同前

鄭義真

洛川方駐蹕豐野暫停鑿湯泉恒獨涌温谷豈知寒漏鼓  
依巖畔相風出樹端嶺煙遙聚草山月迴臨鞍日用誠

入文遂仰觀

經破薛舉戰地

唐太宗

昔年懷壯氣提戈初仗節心隨朗日高志與秋霜潔移鋒  
驚電起轉戰長河決營碎落星沉陣卷橫雲裂一搗氛沴  
靜再舉鯨鯢滅於茲俯舊原屬目駐華軒沈沙無故迹滅  
龜有殘痕浪霞穿水淨峯霧拖蓮昏世途亟流易人事殊  
今昔長想眺前蹤撫躬聊自適

奉和行經破薛舉戰地應詔

許敬宗

混元分大象長策挫脩鯨於斯建宸極由此創鳴名一戎  
乾宇泰千祀德流清垂衣凝庶績端拱鑄群生復整瑤池  
駕還臨官渡營周遊尋曩迹曠望動天晴帷宮面丹浦帳



殿囑宛城虜場栖九穗前歌被六英戰地茸泉涌陣屢景  
雲生普天沾凱澤相携欣頌平

入潼關

唐太宗

峻函稱地險襟帶壯兩京霜峯直臨道冰河曲遶城古木  
參差影寒猿斷續聲冠蓋往來合風塵朝夕驚高談先馬  
渡僞曉預雞鳴棄繻懷遠志封泥負壯情尚有真人氣安  
知名不名

奉和同前

許敬宗

曦馭循黃道星陳引翠旗濟潼紆萬乘臨河耀六師前旌  
彌陸海後騎發通伊勢踰廻地軸威盛轉天機是節歲  
絕關樹蕩涼颼仙霧令靈掌瑞鼎照川涓坤襟賞臨

入京畿

秋風函谷應詔

徐賢妃

秋風起函谷朔氣動河山偃松千嶺上雜雨二陵間低  
愁廣隰落日慘重関此時飄紫氣應驗真人還

登驪山高頂寓目

唐太宗

四郊秦漢國八水帝王都閭閻椎里閉城闕壯規模貫渭  
稱天邑含岐寔奧區金門披玉館因此識皇圖

奉和登驪山高頂寓目應制

李嶠

步輦陟山巔高山入紫煙忠臣還捧日聖后欲捫天廻識  
平陵樹低看華岳蓮帝鄉應不遠空見白雲懸

同前

劉憲



驪阜鎮皇圖鑿遊眺八區原隰旌門裏風雲入座隅直城  
如斗柄宮樹似星榆從臣詞賦末濫得上天衢

同前

趙彥昭

皇精遍九垓御輦駐照回路若隨天轉人疑近日來河看  
大禹鑿山見巨靈開願扈封鑿駕常持薦壽杯

同前

蘇頌

仙琤御層氣高高積翠分岵巖中谷應天語半空聞豐樹  
運黃葉函關入紫雲聖圖恢寓縣歌賦小橫汾

同前

崔湜

名山何壯哉玄覽一徘徊御路穿林轉旌門倚石開煙雲  
後發河塞掌中來不學蓬壺遠經年猶未迴

同前

萬尋懸居高敞御筵行戈疑駐日步輦若昇天城闕  
霧中近關河雲外連謬陪登弁駕忻奉濟汾篇

同前

武平一

鑿輿上碧天翠帟拖晴煙絕竒紆仙逕層巖敞御筵雲披  
丹鳳闕日下黑龍川更覩南薰奏流聲入管絃

同前

張說

雲山入半空眺臨盡闕中是日巡遊處晴光遠近同川明  
分渭水樹暗辯新豐巖壑清陰暮天歌起大風

幸新豐溫泉宮應制

徐彥伯

姬典歌時邁虞編記省方何如黑帝月玄覽白雲鄉翠仗



綦船庫明旆應黃陽風搖花毼彩雪艷寶戈芒御栢開油  
次離宮夾樹行桂枝籠騶裏松葉覆堂皇仙女含珠液温  
池孕璧房湧疑神漢詩澄若帝臺漿獨沸流常執潛蒸氣  
轉香青坻壞疑作玉甃紅淀鑠金光藻耀疑芳潔歲蕤獻  
淑祥五龍歸寶箒九鳶叶特康同預華封老中衢祝聖皇

同前

武平一

秦王登碣石周后襲崑崙何必在遐遠方稱萬寓尊我皇  
順時豫星駕動軒轅雄戟交馳道清笳度國門廻輿長樂  
觀校獵上林園行瀟移三象連營控八屯旌搖鸞鷁谷騎  
轉鳳凰原絕壁蒼苔古靈泉碧溜温參差開水殿窈窕敞  
巖軒豐邑模猶在驪呂跡尚存煙松銜翠幄雪逕遶花

傅從推玄草文章負武賁深仁浹夷夏大造溢乾坤  
王枚列多慙雨露恩

途經華嶽

唐玄宗

飭駕去京邑鳴鑿指洛川循途經太華廻蹕暨周旋翠萼  
留斜影懸巖嶽夕煙四方皆石壁五位配金天髣髴看高  
掌依稀聽子先終當銘歲月從此記靈仙

奉和途經華嶽應制

張說

西嶽鎮皇京中峯入太清玉鑿重嶺應緹綺薄雲迎霽日  
懸高掌寒空映削城軒遊會神處漢幸望仙情舊廟青林  
占新碑綠字生群臣願封岱廻駕勒鳴名

同前

張九齡



萬乘華山下千巖雲漢中靈宮雖奧密睿覽忽玄同日月  
臨高掌神仙仰大風攢拳勢岌岌翊輦氣熊熊揆物知幽  
贊銘勲表聖衷會應陪玉檢來此告成功

同前

蘇頲

朝望蓮花嶽神心就日來晴觀五千仞仙掌拓山開受命  
金符叶過祥玉瑞陪霧披乘鹿見雲起馭龍迴偃樹枝封  
雪殘碑石冒苔聖皇惟道契文字勒巖隈

早渡蒲津關

唐玄宗

鍾鼓嚴更曙山河野望通鳴鑿下蒲阪飛旆入秦中地險  
關逾壯天平鎮尚雄春來津樹合月落戍樓空馬色分朝  
景雞聲逐曉風所希常道泰非復俟繻同

奉和早渡蒲津關應制

張說

蒲坂橫臨晉華芝曉望秦關城雄地險橋路扼天津樓映  
行宮日隄含宮樹春黃雲隨寶鼎紫氣逐真人東詠唐虞  
跡西觀周漢塵山河非國寶明主愛忠臣

同前

徐安貞

仙掌臨秦甸虹橋闢晉關兩鄉分地險一曲渡河灣路得  
津門要時稱古戍閑城花春正發岸柳曙堪攀後乘猶臨  
水前旌欲換山長安回望日宸御六龍還

同前

張九齡

魏武中流處軒皇問道迴長堤春樹發高掌曙雲開龍負  
王舟度人占仙氣來河津會日月天仗役風雷東顧重關



盡西馳萬國陪還聞股肱郡元首詠康哉

聖

山

全英貞

德西麟岡萬壑山阿非烟寶用主愛忠引

谷尊以時含宮樹春黃雲麟寶鼎紫葭後真人東精惠

際對琳細智菲艾郭望恭關如琳賦劍齋羅時天華對舞

本

謝



